

摘藻堂四庫全書薈要

史部

欽定四庫全書薈要

史部

資治通鑑卷一百六十四

五四




詳校官編修臣汪鏞

欽定四庫全書薈要卷七千一百五十

史部

資治通鑑卷一百六十四 宋 司馬光 撰

胡三省 音註

 梁紀二十

起重光協洽盡立
默泥灘凡二年

太宗簡文皇帝下

大寶二年春正月新吳余孝頃舉兵拒侯景

漢靈帝
中平中

立新吳縣屬豫章郡
隋省新吳入建昌縣

景遣于慶攻之不克 庚戌湘

東王繹遣護軍將軍尹悅安東將軍杜幼安巴州刺

史王珣將兵二萬自江夏趣武昌

江夏今鄂州武昌
今壽昌軍將即亮

翻夏戶雅翻趣七喻翻
典略在去年十一月今從太清記 考異曰 受徐文盛節度

楊乾運攻拔劔閣楊法昌退保石門

去年武陵王紀
遣楊乾運討楊

法琛祝穆曰大劔山在今劔門閣之劔門縣大劔山
西北三十里有小劔山輿地廣記曰山有小石門穿

山通道六丈有餘即秦所通石牛道也又魏收志武
都郡治石門縣隋為將利縣魏志東益州武興郡有

石門縣仇池郡有西石門縣輿地紀勝龍州江油縣
東百里有石門戍杜佑曰龍州治江油縣有石門山

與氏分界蓋蜀多山險地之以石門名者多矣唐志
利州景谷縣西有石門關此蓋楊法昌退保之地

乾運據南陰平

晉永嘉流寓南陰平於縣竹之萇
楊楊乾運既拔劔閣無緣奔險退保

縣竹五代志南梁州有陰平縣宋之北陰平郡也九域志劍州東北五十五里有劍門縣西北百六十里有陰平縣乾運所據其北陰平與若漢志之陰平道則今之文州是也又在西北故以此為南陰平

辛亥齊主祀圓丘 張彪遣其將趙稜圍錢塘孫鳳

圍富春侯景遣儀同三司田遷趙伯超救之稜鳳敗

走

考異曰典略去年十一月彪自圓錢塘與趙伯超戰敗于臨平死者八萬餘人走還剡伯超兄子

稜在彪軍中謀殺彪偽請與彪盟引小刀披心出血自軟彪信之亦取刀刺血報之刀適至心稜以手按之刀斜入不深彪頓絕稜謂已死出外告彪諸將云彪已死當共求富貴彪左右韓武入視之彪已蘇細聲謂曰我尚活可與手武遂誅稜彪復奉表於湘東王繹今從太清紀 稜伯超之兄子

也 癸亥齊主耕籍田乙丑享太廟 魏楊忠圍汝

南李素戰死

李素納邵陵王綸見上卷上年

二月乙亥城陷執邵陵攜

王綸殺之

考異曰太清紀云宇文泰遣忠襲綸詐稱來相禮接綸白服與相見執而害之今從梁

書南史

投尸江岸岳陽王誓取而葬之

或告齊太尉彭

樂謀反壬辰樂坐誅

齊遣散騎常侍曹文皎使于江

陵

散悉亶翻騎奇寄翻使疏吏翻曰典畧在正月甲午朔今從太清紀

考異

湘東王繹使

兼散騎常侍王子敏報之

侯景以王克為太師宋子

仙為太保元羅為太傅郭元建為太尉張化仁為司徒

或曰張化仁
即支化仁

任約為司空王偉為尚書左僕射索超世

為右僕射

索蘇各翻

景置三公官動以十數儀同尤多以子

仙元建化仁為佐命元功偉超世為謀主子子悅彭雋

主擊斷

斷丁亂翻

陳慶呂季略盧暉丁和等為爪牙梁人為

景用者則故將軍趙伯超前制局監周石珍內監嚴亶

內監領內器仗

邵陵王記室伏知命自餘王克元羅及侍中殷

不害太常周弘正等景從人望加以尊位非腹心之任

也北兗州刺史蕭邕謀降魏侯景殺之楊乾運進

據平興平興者楊法琛所治也法琛退保魚石洞乾運

焚平興而歸

五代志義城郡景谷縣舊曰白水置平興郡唐志武德四年以利州之景谷及龍州

之方維置沙州貞觀元年州廢省方維為鎮以景谷還屬利州西有石門關西北有白坭魚老二鎮城九城志文州曲水縣有方維鎮劉昫曰利州景谷縣漢白水縣地宋置平興縣隋為景谷縣李遷仕收衆

還擊南康

去年李遷仕敗走保寧都

陳霸先遣其將杜僧明等拒之

將即亮翻

生擒遷仕斬之

考異曰太清紀在四月云遷仕追霸先於雩都縣連營相拒百餘

日是月廣州刺史蕭物遣歐陽隗水步萬餘人來援隗與戰大破之斬遷仕首餘黨悉降霸先引軍前進今從

陳書湘東王繹使霸先進兵取江州以為江州刺史 三

月丙午齊襄城王浟卒 庚戌魏文帝殂

年四十五

太子欽

立

欽文帝之長子也母乙弗后

乙卯徐文盛等克武昌進軍蘆洲

蘆洲

在武昌西晉伍胥去楚出關於江上求渡漁父歌曰灼灼兮已私與子期兮蘆之漪子胥既渡解劍與之辭不受漁父遂覆舟而死即其處水經注漢邾縣故城南對蘆洲蘇軾曰武昌縣劉郎洑正與蘆洲相對伍子胥奔吳所從渡江也亦曰伍洲

己未齊以湘東王繹為梁相國建梁臺

摠百揆承制 齊司空司馬子如自求封王齊主怒庚

子免子如官 任約告急侯景自帥衆西上攜太子大

器從軍以為質

帥讀曰率上時掌翻質音致

留王偉居守

守手又翻

閏月

景發建康

考異曰梁帝紀三月丁未景發京師典略云閏三月丁未按乙卯徐文盛克武昌不容

丁未景已發建康閏三月

甲戌朔無丁未蓋字誤也

自石頭至新林舳艫相接

音舳

逐 廬約分兵襲破定州刺史田龍祖於齊安

上卷作田祖龍此作

田龍祖必有一誤五代志黃州黃岡縣齊曰南安置齊安郡九域志黃岡縣有齊安鎮

壬寅景軍

至西陽與徐文盛夾江築壘癸卯文盛擊破之射其右

水庫狄式和墜水死

射而亦翻

景遁走還營夏四月甲辰

魏葬文帝於永陵

郢州刺史蕭方諸年十五以行事

鮑泉和弱常侮易之

易以鼓翻

或使伏牀騎背為馬恃徐文

盛軍在近不復設備日以蒲酒為樂

復扶又翻蒲酒樽
蒲飲酒也樂音洛

侯景聞江夏空虛

夏戶雅翻

乙巳使宋子仙任約帥精騎四

百由淮內襲郢州

自西陽至江夏百五十餘里景使宋子仙等蓋由蘆洲上流渡兵以襲之

帥讀曰率騎
奇寄翻下同

丙午大風疾雨天色晦冥有登陴望見賊

者告泉曰虜騎至矣泉曰徐文盛大軍在下賊何由得

至當是王珣軍人還耳既而走告者稍衆始命閉門子

仙等已入城方諸方踞泉腹以五色綵繡其髯

繡補典翻交結

也見子仙至方諸迎拜泉匿于牀下子仙俯窺見泉素

髯間綵

間古
覓翻

驚愕遂擒之及司馬虞豫送於景所景因

便風中江舉帆遂越文盛等軍丁未入江夏文盛衆懼

而潰與長沙王韶等逃歸江陵

上甲侯韶去年
繹封為長沙王

王珣杜

幼安以家在江夏遂降於景

降戶
江翻

湘東王繹以王僧辯

為大都督帥巴州刺史丹楊淳于量定州刺史杜龕宜

州刺史王琳郴州刺史裴之橫東擊景

五代志巴陵郡
梁置巴州夷陵

郡梁置宜州桂陽郡梁置
郴州龕苦舍翻郴丑林翻

徐文盛以下並受節度龕岸

之兄子也戊申僧辯等軍至巴陵

自江陵至巴陵四百
一十里自巴陵至江

夏三百五十里聞郢州已陷因留戍之繹遺僧辯書曰賊既乘

勝必將西下

遺于季翻自江夏指江陵當作西上

不勞遠擊但守巴丘

巴丘

即巴陵有巴丘山

以逸待勞無虜不克又謂將佐曰賊若水步

兩道直指江陵此上策也據夏首積兵糧中策也悉力

攻巴陵下策也巴陵城小而固僧辯足可委任景攻城

不拔野無所掠暑疫時起食盡兵疲破之必矣

湘東安能料敵

如此當時作史者為之辭耳將即亮翻夏戶雅翻

乃命羅州刺史徐嗣徽自岳

陽武州刺史杜蒧自武陵引兵會僧辯

五代志湘陰縣梁置羅州及岳

陽郡湘陰隋屬巴陵郡又梁置武州於武陵郡前士力翻

景使丁和將兵五千守夏

首宋子仙將兵一萬為前驅趨巴陵

喻翻

分遣任約直

指江陵景帥大兵水步繼進於是緣江戍邏望風請服

景拓邏至於隱磯

拓斥開也邏遮也巡也拓開巡邏以張兵勢邏魯可翻又魯佐翻水經江

水自公安而東過下雋縣北又東逕彭城磯北彭城磯北對隱磯二磯之間大江之中也

僧辯乘城

固守偃旗臥鼓安若無人壬戌景衆濟江

自隱磯濟江考異曰梁

帝紀作甲子今從太清紀

遣輕騎至城下問城內為誰答曰王領軍

騎曰何不早降

降戶翻

僧辯曰大軍但向荊州此城自當

非礙

言兵若向荊州此城當非遮礙

騎去頃之執王珣等至城下使說

其弟琳琳曰兄受命討賊不能死難

說式芮翻難乃旦翻

曾不內

慙翻欲賜誘取弓射之珣慙而退景肉薄百道攻城

伯薄

各翻城中鼓譟矢石雨下景士卒死者甚衆乃退僧辯遣

輕兵出戰凡十餘返皆捷景披甲在城下督戰

誘音酉射而亦

翻被皮義翻

僧辯著綬乘輿奏鼓吹巡城

著陟略翻綬音受吹昌瑞翻

景

望之服其膽勇岳陽王詵聞侯景克郢州遣蔡大寶將

兵一萬進據武寧

五代志竟陵郡樂鄉縣舊置武寧郡劉昫曰樂鄉漢郡縣也其地當在今

郢州長壽縣西北宋白曰桓玄立武寧郡於故編縣城其屬有長林縣與郡俱立分編縣所置也

遣使

至江陵詐稱赴援

使疏吏翻

衆議欲荅以侯景已破令其退

軍湘東王繹曰今語以退軍

語牛倨翻

是趣之令進也

趣讀曰促

乃使謂大寶曰岳陽累啟連和不相侵犯卿那忽據武

寧今當遣天門太守胡僧祐精甲二萬鐵馬五千頓津

水待時進軍嘗聞之召其軍還

津居偃翻還從宣翻又如字

僧祐南

陽人也

五月魏隴西襄公李虎卒

侯景晝夜攻巴

陵不克軍中食盡疾疫死傷大半湘東王繹遣晉州刺

史蕭惠正將兵援巴陵惠正辭不堪舉胡僧祐自代僧

祐時坐謀議忤旨繫獄

據梁書胡僧祐傳時西沮蠻反使僧祐討之令盡誅其渠帥僧

祐諫忤旨下獄忤五故翻

繹即出之拜武猛將軍令赴援戒之曰賊

若水戰但以大艦臨之必克

艦尸點翻

若欲步戰自可鼓棹

直就已立不須交鋒也僧祐至湘浦

湘水入湖之口曰浦

景遣任

約帥銳卒五千據白堦以待之

堦又尺翻

僧祐由它路西上

上時掌翻

約謂其畏已急追之及於芋口

據姚思廉梁書芋口在南平郡安南

縣界呼僧祐曰吳兒何不早降

降戶江翻

走何所之僧祐不應

潛引兵至赤沙亭

水經注澧水過唐縣北而東逕安南縣南又東與赤湖水會二縣皆屬

南平郡巴陵志洞庭湖在巴丘西西吞赤沙南連青草

橫亘七八百里又有赤亭城二面臨水即胡僧祐所據

杜祐曰巴陵郡西華容界有赤亭

城近赤亭湖因名任約擒於此會信州刺史陸法和

至與之合軍法和有異術隱於江陵百里洲

盛弘之荊州記曰百

里洲在枝江縣縣左右有數十洲槃布川中百里洲最為大

衣食居處一如苦行沙

門

苦行沙門謂沙門能清苦守戒行者也處昌呂翻行下孟翻

或豫言吉凶多中

中竹

仲翻人莫能測侯景之圖臺城也或問之曰事將何如法

和曰凡人取果宜待熟時不撩自落

撩落雕翻攏取物也

固問之

法和曰亦克亦不克

亦克謂侯景取臺城不克謂景終於敗也法和若設為兩端之言使

人莫之測而卒之言驗

及任約向江陵法和自請擊之繹許之壬

寅約至赤亭六月甲辰僧祐法和縱兵擊之約兵大潰

殺溺死者甚衆

溺奴秋翻

擒約送江陵景聞之乙巳焚營宵

遁以丁和為郢州刺史留宋子仙等衆號二萬戍郢城

別將支化仁鎮魯山

考異曰梁帝紀作魏司徒張化仁按魏司徒安得為景守城今從

典略范希榮行江州事

考異曰典略云江州刺史今從太清紀

儀同三司任

延和晉州刺史夏侯威生守晉州

梁於晉熙郡置晉州

景與麾下

兵數千順流而下丁和以大石礮殺鮑泉及虞預沈於

黃鶴磯

礮古盍翻沈持林翻祝穆曰黃鶴山一名黃鵠山在江夏縣東九里近縣西北二里有黃鶴磯

水經注黃鵠山東北對夏口城黃鵠磯直鸚鵡洲之下尾

任約至江陵繹殺之徐文

盛坐怨望下獄死

下遐稼翻下東下同

巴州刺史余孝頃遣兄子

僧重將兵救鄱陽于慶退走

余孝頃起於新吳梁授以巴州刺史考異曰長曆六

月癸卯朔大清紀一日慶走二日擒任約三景走今從梁帝紀

繹以王僧辯為征東

將軍尚書令胡僧祐等皆進位號使引兵東下陸法和

請還既至謂繹曰侯景自然平矣蜀賊將至請守險以

待之

法和知武陵王紀必東下

乃引兵屯峽口

巫峽之口也

庚申王僧辯

至漢口先攻魯山擒文化仁送江陵辛酉攻郢州克其

羅城斬首千級宋子仙退據金城僧辯四面起土山攻

之豫州刺史荀朗自巢湖出濡須邀景破其後軍

荀朗起兵

據巢湖帝密詔授豫州刺史使討景

景奔歸船前後相失太子船入樅陽

浦樅七容翻

船中腹心皆勸太子因此入北太子曰自國家

喪敗志不圖生主上蒙塵寧忍遠離左右

喪息浪翻離力智翻

吾

今若去是乃叛父非避賊也因涕泗嗚咽即命前進

毛詩

自目曰涕自鼻曰泗
史言哀太子之孝

甲子宋子仙等困蹙乞輸郢城身

還就景王僧辯偽許之命給船百艘以安其意

艘蘇刀翻

子

仙謂為信然浮舟將發僧辯命杜龕帥精勇千人攀堞

而上

龕苦合翻帥讀曰率下同堞達協翻上時掌翻

鼓譟奄進水軍主宋遙帥

樓船暗江雲合

言樓船四合如雲江為之暗

子仙且戰且走至自楊

浦

白楊浦蓋去郢城未遠

大破之周鐵虎生擒子仙及丁和送江

陵殺之

庚午齊主以司馬子如高祖之舊復以為太

尉

是年三月齊主免子如官復扶又翻

江安侯圓正為西陽太守

宋白曰江安縣

本漢江陽縣地

寬和好施

好呼到翻施式智翻

歸附者衆有兵一萬湘東

王繹欲圖之署為平南將軍及至弗見使南平王恪與之飲醉因囚之內省分其部曲使人告其罪荆益之讐

自此起矣

圓正武陵王紀第二子也為紀東下攻繹張本讐許覲翻

陳霸先引兵

發南康瀨石舊有二十四灘會水暴漲數丈三百里間

巨石皆沒霸先進頓西昌

章貢圖經曰東江發源於汀州界之新樂山經雩都而會

于章水西江導源於南安大庾縣之聶都山與貢水合會于贛水二水合而為贛在州治後北流一百八十里至萬安縣界由萬安而上為灘十有八怪石如精鐵突兀廉厲錯峙波面自贛水而上信豐寧都俱有石磧險

阻視十八灘故俚俗以為上下三百里贛石
吳立西昌縣屬廬陵郡今在吉州太和縣界

鐵勒將

伐柔然突厥酋長土門邀擊破之盡降其衆五萬餘落

厥九勿翻酋慈秋翻
長知兩翻降戶江翻

土門恃其彊盛求婚於柔然柔然

頭兵可汗大怒使人詈辱之曰爾我之鍛奴也

突厥本
柔然鐵

工故云然可從刊入
聲汗音寒詈力智翻

何敢發是言土門亦怒殺其使者

遂與之絕而求婚於魏魏丞相泰以長樂公主妻之

疏使

吏翻樂音洛
妻七細翻

秋七月乙亥湘東王繹以長沙王韶監

郢州事

監工
銜翻

丁亥侯景還至建康

考異曰典略作六月
壬戌太清紀作七

月二十日
今從梁帝紀

于慶自鄱陽還豫章侯瑱閉門拒之慶走

江州據郭默城

走音奏晉將郭默反時所築城也瑱它旬翻又音鎮

繹以瑱為充

州刺史

據瑱傳授南兖州刺史

景悉殺瑱子弟

侯景留瑱子弟為質見上卷上年

辛丑王僧辯棄勝下湓城

下選嫁翻

陳霸先帥所部三萬人

將會之屯於巴丘

此吳所置巴丘縣也屬廬陵郡界帥讀曰率

西軍乏食

王僧

辯之軍自荊州來故謂之西軍

霸先有糧五十萬石分三十萬石以資

之八月壬寅朔王僧辯前軍襲于慶慶弃郭默城走范

希榮亦弃尋陽城走晉熙王僧振等起兵圍郡城僧辯

遣沙州刺史丁道貴助之

魏收志梁武帝置沙州治白沙關城領建寧齊安郡當在

黃州黃岡縣界

任延和等弃城走

任音

湘東王繹命僧辯且頓

尋陽以待諸軍之集初景既克建康常言吳兒怯弱易

以掩取

易弋政翻

當須拓定中原然後為帝景尚帝女漂陽

公主嬖之妨於政事

漂音栗嬖卑義翻又博計翻

王偉屢諫景景以

告主主有惡言偉恐為所讒因說景除帝

說武芮翻

及景自

已陵敗歸猛將多死

謂宋子仙之屬將即亮翻

自恐不能久存欲早

登大位王偉曰自古移鼎

武王克商遷九鼎於洛邑故後之奪人之國者率謂之移

必禹須廢立既示我威權且絕彼民望景從之使前壽

光殿學士謝昊為詔書以為弟姪爭立

弟謂湘東王繹
武陵王紀姪謂

河東王譽
岳陽王譽

星辰失次皆由朕非正緒召亂致災宜禪位

於豫章王棟使呂季略齎入逼帝書之棟歡之子也

華容

公歡昭明
太子之子

戊午景遣衛尉卿彭雋等帥兵入殿廢帝為

晉安王幽於永福省悉撤內外侍衛使突騎左右守之

牆垣悉布枳棘

枳似橘而多刺棘似棗而多刺
帥讀曰率騎奇奇翻枳諸氏翻

庚申下

詔迎豫章王棟棟時幽拘廩餼甚薄

餼許氣翻

仰蔬茹為食

方與妃張氏鉏葵

葵菜也

法駕奄至棟驚不知所為泣而

升輦景殺哀太子大器尋陽王大心酉陽王大鈞建平

王大球義安王大昕及王侯在建康者二十餘人太子

神明端凝

凝魚力翻

於景黨未嘗屈意所親竊問之太子曰

賊若於事義未須見殺

事義猶言事宜也

吾雖陵慢呵叱終不

敢言若見殺時至雖一日百拜亦無所益又曰殿下今

居困阨而神貌怡然不貶平日何也

貶損也

太子曰吾自

度死日必在賊前

度徒洛翻

若諸叔能滅賊賊必先見殺然

後就死若其不然賊亦殺我以取富貴安能以必死之

命為無益之愁乎及難

難乃旦翻

太子顏色不變徐曰久知

此事嗟其晚耳刑者將以衣帶絞之太子曰此不能見

殺命取帳繩絞之而絕壬戌棟即帝位

考異曰典略作壬辰誤今從

太清紀

大赦改元天正太尉郭元建聞之自秦郡馳還謂

景曰主上先帝太子既無愆失何得廢之景曰王偉勸

吾云早除民望吾故從之以安天下元建曰吾挾天子

令諸侯猶懼不濟無故廢之乃所以自危何安之有景

欲迎帝復位以棟為太孫王偉曰廢立大事豈可數改

邪乃止

數所角翻

乙丑景又使殺南海王大臨於吳郡南郡

王大連於姑孰

考異曰太清紀云於九江今從梁書

安陸王大春於會

稽高唐王大壯於京口

大臨時為吳郡太守大連時為江州刺史在姑孰大春時為東

揚州刺史姚思廉梁書大壯作大莊始封高唐郡公後進封新興王時為南徐州刺史皆就殺之會工外翻

以太子妃賜郭元建元建曰豈有皇太子妃乃為人妾

乎竟不與相見聽使入道丙寅追尊昭明太子為昭明

皇帝豫章安王為安皇帝

華容公歡進封豫章王薨謚曰安

金華敬妃

為敬太皇太后

昭明太子妃蔡氏昭明既薨武帝為妃別立金華宮供侍一同常儀薨謚曰敬

按敬妃已薨只當追謚皇后以從夫曰太皇太后非也

豫章太妃王氏為皇太后

妃張氏為皇后以劉神茂為司空九月癸巳齊主如

趙定二州

五代志趙郡大陸縣舊曰廣同置殷州及南鉅鹿郡後改為南趙郡改殷州為定州治中

山遂如晉陽己亥湘東王繹以尚書令王僧辯為江州

刺史江州刺史陳霸先為東揚州刺史王偉說侯景

弑太宗以絕衆心

侯景尊帝廟號曰高宗元帝追謚曰簡文皇帝廟號太宗說式芮翻

景

從之冬十月壬寅夜偉與左衛將軍彭雋王修纂進酒

於太宗曰丞相以陛下幽憂既久使臣等來上壽

上時掌翻

太宗笑曰已禪帝位何得言陛下此壽酒將不盡此乎

言壽將盡

於是雋等齎曲項琵琶

杜佑曰傳云琵琶賦云漢遣公主嫁烏孫

於此酒

念其行道思慕故使工人裁箏筑為馬上之樂今觀其器中虛外實天地象也盤圓柄直陰陽叙也柱十有二配律呂也四絃法四時也以方俗語之曰琵琶取其易傳於外國也風俗通云以手琵琶因為名釋名曰推手前曰批引手却曰把杜摯曰秦人苦長城之役絃鼗而鼓之並未詳孰是今清樂奏琵琶俗謂之秦漢子圓頭修頸而小疑是絃鼗之遺制傳云云體圓柄直柱十有二其他皆允上銳下曲項形制稍大本出胡中俗傳是漢制兼用兩制者謂之秦漢據此事則南朝似無曲項琵琶劉昫曰琵琶四絃曲項琵琶五絃出胡中與

太宗極飲太宗知將見殺因盡醉曰不圖為樂之至於

斯也

洛樂音

既醉而寢偉乃出雋進土囊修纂坐其上而

殂

年四十九

偉撤門扉為棺遷殯於城北酒庫中太宗自幽

繫之後無復侍者及紙

復扶又翻

乃書壁及板障

柱間不為壁以板為

障施以丹漆因謂之板障

為詩及文數百篇辭甚悽愴

愴亮翻丑

景謚曰

明皇帝廟號高宗

侯景之逼江陵也湘東王繹求援

於魏命梁秦二州刺史宜豐侯循以南鄭與魏

晉志豫章郡有

宜豐

召循還江陵循以無故輸城非忠臣之節

考異曰南史

宜豐侯修
今從梁書報曰請待改命魏太師泰遣大將軍達奚武

將兵三萬取漢中

將即亮翻

又遣大將軍王雄出子午谷攻

上津

五代志西城郡豐利縣梁置南上洛郡西魏改郡曰豐利後周省郡入上津郡唐以上津為縣屬商

州

循遣記室參軍沛人劉璠求援於武陵王紀

璠字袁翻

紀

遣潼州刺史楊乾運救之循恢之子也

鄱陽王恢武帝之弟

王僧

辯等聞太宗殂丙辰啟湘東王繹請上尊號

上時掌翻下復上同

考異曰典略作乙卯今從太清記

繹弗許

司空東道行臺劉神茂聞

侯景自己丘敗還陰謀叛景吳中士大夫咸勸之乃與

儀同三司尹思合劉歸義王暉雲麾將軍元頽等據東

陽以應江陵

頽居筠翻又紆論翻

遣頽及別將李占下據建德江

口

五代志東陽郡金華縣隋廢建德縣入焉唐武德四年復置建德縣分為睦州治所今東陽江新安江合

於州城南十里將即亮翻

張彪攻永嘉克之新安民程靈洗起兵據

郡以應神茂於是浙江以東皆附江陵湘東王繹以靈

洗為譙州刺史領新安太守

程靈洗字玄滌洗讀如字湘東以刺史寵靈洗實領

新安太守職

十一月乙亥王僧辯等復上表勸進

復扶又翻

湘

東王繹不許戊寅繹以湘州刺史安南侯方矩為中衛

將軍以自副

考異曰梁書在八月辛亥今從太清紀

方矩方諸之弟也以

南平王恪為湘州刺史侯景以趙伯超為東道行臺據

錢塘以田遷為軍司據富春以李慶緒為中軍都督謝

答仁為右廂都督李遵為左廂都督以討劉神茂已

郊加侯景九錫漢國置丞相以下官己丑豫章王棟禪

位於景景即皇帝位於南郊還登太極殿其黨數萬皆

吹脣鼓譟而上

上時掌翻

大赦改元太始封棟為淮陰王并

其二弟橋樛同鎖於密室

樛居蚪翻

王偉請立七廟景曰何

謂七廟偉曰天子祭七世祖考并請七世諱景曰前世

吾不復記唯記我父名標且彼在朔州那得來噉此

景侯

本懷朔鎮人魏改懷朔鎮為朔州

衆咸笑之景黨有知景祖名乙羽周

者自外皆王偉制其名位追尊父標為元皇帝景之作

相也以西州為府文武無尊卑皆引接及居禁中非故

舊不得見由是諸將多怨望

將即亮翻

景好獨乘小馬彈射

飛鳥

好呼到翻彈射飛鳥北俗也彈徒丹翻射而亦翻

王偉每禁止之不許輕

出景鬱鬱不樂

樂音洛

更成失志曰吾無事為帝與受擯

不殊

擯弃也擯斥者不得預人事故景以為言

壬辰湘東王以長沙王韶

為郢州刺史益州長史劉孝勝等勸武陵王紀稱帝

紀雖未許而大造乘輿車服

乘輿車服天子之車服也乘繩證翻

十二

月丁未謝答仁李慶緒攻建德擒元顓李占送建康景

截其手足以徇經日乃死齊主每出入常以中山王

自隨王妃太原公主恒為之飲食護視之

太原公主勃海王歡之女

恒戶登翻為于偽翻飲於禁翻下同食祥吏翻

是月齊主飲公主酒使人鴈中

山王殺之并其三子謚王曰魏孝靜皇帝葬于鄴西漳

北其後齊主忽掘其陵投梓宮於漳水齊主初受禪魏

神主悉寄於七帝寺

以寄魏七廟神主故謂之七帝寺

至是亦取焚之

彭城公元韶以高氏壻

元韶娶魏孝武帝后高歡之女也

寵遇異於諸

元開府儀同三司美陽公元暉業

魏濟陰王暉業齊受禪降封美陽公

以

位望隆重又志氣不倫尤為齊主所忌從齊主在晉陽

暉業於宮門外罵韶曰爾不及一老嫗負璽與人

嫗戚遇翻

韶奉璽於齊見上卷上年璽斯氏翻

何不擊碎之我出此言知即死爾亦

詎得幾時齊主聞而殺之及臨淮公元孝友皆鑿汾水

冰沈其尸孝友或之弟也

或魏臨淮王沈持林翻

齊主嘗剽元韶

鬢鬚加之粉黛以自隨曰吾以彭城為嬪御言其懦弱

如婦人也

剽它計翻嬪毗嬪翻懦奴亂翻

世祖孝元皇帝上

諱繹字世誠小字七符武帝第七子也

承聖元年

是年十一月方即位改元

春正月湘東王以南平內史王

褒為吏部尚書褒騫之孫也

王騫儉之孫

齊人屢侵侯景

邊地甲戌景遣郭元建帥步軍趨小峴

帥讀曰率下同趨七喻翻峴戶

典翻侯子鑒帥舟師向濡須已卯至合肥

考異曰典略二月庚子子鑒

等圖合肥克其羅城今從太清紀

齊人閉門不出乃引還丙申齊主

伐庫莫奚大破之俘獲四千人雜畜十餘萬

畜許又翻

齊主

連年出塞給事中兼中書舍人唐邕練習軍書自督將

以降勞効本末及四方軍士彊弱多少番代往還器械

精粗

將即亮翻少詩沿翻粗倉呼翻

糧儲虛實靡不諳悉

諳烏含翻

或於帝

前簡閱雖數千人不執文簿唱其姓名未嘗謬誤帝嘗

曰唐邕彊幹一人當千又曰邕每有軍事手作文書口

且處分

處昌呂翻分扶問翻

耳又聽受實異人也寵待賞賜羣臣

莫及 魏將王雄取上津魏興東梁州刺史安康李遷

招軍敗降之

五代志西城郡安康縣舊曰寧都齊置安康郡後魏置東梁州按蕭子顯齊書安康

寧都二縣皆齊所置魏收曰安康縣漢時漢中郡之安陽縣也將即亮翻降戶江翻

突厥土門

襲擊柔然大破之柔然頭兵可汗自殺

厥居勿翻可從刊入聲汗音寒

其太子菴羅辰及阿那瓌從弟登注俟利登注子庫提

並帥衆奔齊餘衆復立登注次子鐵伐為王

從才用翻帥讀曰率

下同復扶又翻

土門自號伊利可汗號其妻為可賀敦子弟謂

之特勒

考異曰諸書或作勒勒今從劉昫舊唐書及宋祁新唐書

別將兵者皆謂

之設 湘東王命王僧辯等東擊侯景二月庚子諸軍

發尋陽舳艫數百里陳霸先帥甲士三萬舟艦二千自

南江出湓口會僧辯於白茅灣

贛水謂之南江過彭澤縣西注于彭蠡北入于

江白茅灣在桑落洲西南史王僧辯傳霸先帥衆五萬出自南江前軍五千行至湓口蓋水陸俱下也帥讀曰

率

築壇歛血

軟色甲翻

共讀盟文流涕慷慨癸卯僧辯使侯

瑱襲南陵鵠頭二戍克之戊申僧辯等軍於大雷丙辰

發鵠頭戊午侯子鑒還至戰鳥

子鑒蓋自合肥還杜佑曰宣州南陵縣有鵠洲

有戰鳥圻孤在江中本名孤圻昔桓溫舉兵東下住此圻中宵鳥驚溫謂官軍圍之既而定以羣鳥驚噪因名

戰鳥唐顧況集有題靈山寺詩下
注戰鳥蓋戰鳥圻後為靈山寺

西軍奄至子鑒驚懼

奔還淮南

淮南今太平州當塗之地

侯景儀同三司謝荅仁攻劉

神茂於東陽程靈洗張彪皆勒兵將救之神茂欲專其

功不許營於下淮或謂神茂曰賊長於野戰下淮地平

四面受敵不如據七里瀨

七里灘在桐廬縣距建德四十餘里與嚴陵瀨相接

賊

必不能進不從神茂偏裨多北人不與神茂同心別將

王暉鄺通並據外營降於荅仁劉歸義尹思合等弃城

走神茂孤危辛未亦降於荅仁

降戶江翻

荅仁送之建康

癸酉王僧辯等至蕪湖侯景守將張黑弃城走景聞之甚懼下詔赦湘東王繹王僧辯之罪衆咸笑之侯子鑒據姑孰南洲以拒西師景遣其黨史安和等將兵二千助之三月己巳朔景下詔欲自至姑孰又遣人戒子鑒曰西人善水戰勿與爭鋒往年任約之敗良為此也

去年

景與徐文盛水戰亦敗走不特任約也以故畏之為于偽翻

若得步騎一交必當可

破汝但結營岸上引船入浦以待之子鑒乃捨舟登岸閉營不出僧辯等停軍蕪湖十餘日景黨大喜告景曰

西師畏吾之彊勢將遁矣不擊且失之景乃復命子鑒

為水戰之備

復扶又翻

丁丑僧辯至姑孰子鑒帥步騎萬餘

人度洲於岸挑戰又以鵠舫千艘載戰士

類篇曰鵠舫船長貌王篇

曰鵠舫小船也集韻鵠丁了翻舫胡鳥翻按王僧辯傳鵠舫其中載士兩邊悉八十棹棹手皆越人去來趣襲捷過風電蓋今之水哨馬即其類考

異曰典略作烏鵠舫千艘今從梁書僧辯麾細船皆

令退縮留大艦夾泊兩岸子鑒之衆謂水軍欲退爭出

趨之

趨七喻翻

大艦斷其歸路

斷音短

鼓譟大呼合戰中江

呼火

故翻子鑒大敗士卒赴水死者數千人子鑒僅以身免收

散卒走還建康據東府僧辯留虎臣將軍莊丘慧達鎮

姑孰引軍而前歷陽戍迎降

降戶江翻

景聞子鑒敗大懼涕

下覆面

覆敷又翻

引衾而卧良久方起歎曰誤殺乃公庚辰

僧辯督諸軍至張公洲

張公洲即蔡州考異曰典略作戊寅今從太清紀

辛巳

乘潮入淮進至禪靈寺前

禪靈寺齊武帝所建

景召石頭津主張

賓使引淮中舫舳及海舡

舫音义舫蒲故翻方言船短而深謂之舫舡尺庸翻

以

石縋之塞淮口

縋雖偽翻塞悉則翻

緣淮作城自石頭至於朱雀

街十餘里中樓堞相接

堞達協翻

僧辯問計於陳霸先霸先

曰前柳仲禮數十萬兵隔水而坐韋粲在青溪竟不度

岸賊登高望之表裏俱盡故能覆我師徒

事見一百六十二卷武帝

太清

三年今圍石頭須度北岍諸將若不能當鋒霸先請先

往立柵壬午霸先於石頭西落星山築柵

考異曰陳書云橫隴立

柵今從典略

衆軍次連入城直出石頭西北景恐西州路絕

自帥侯子鑒等亦於石頭東北築五城以遏大路

帥讀曰率

景使王偉守臺城乙酉景殺湘東王世子方諸前平東

將軍杜幼安

劉神茂至建康丙戌景命為大剋碓先

進其足寸寸斬之以至於頭

劉神茂始導侯景取壽陽及其度江又為爪牙東南

之禍神茂實為之其死晚矣大剋碓者為大剋刀發機如碓使人踏之碓都內翻

留異外同神

茂而潜通於景故得免禍

丁亥王僧辯進軍招提寺

北

招提寺在石頭城北

侯景帥衆萬餘人鐵騎八百餘匹陳於西

州之西

陳讀曰陣下志陳衝陳陳不同

陳霸先曰我衆賊寡應分其兵

勢以彊制弱何故聚其鋒銳令致死於我乃命諸將分

處置兵景衝將軍王僧志陳僧志小縮霸先遣將軍安

陸徐度將弩手二千橫截其後

弩矢之力可以及遠橫截其後箭鋒所到敵必

驚景兵乃却霸先與王琳杜龕等以鐵騎乘之僧辯以

大兵繼進景兵敗退據其柵龕岸之兄子也

杜岸死於太清三年

荆雍構難之時龕岸兄岑之子龕苦含翻

景儀同三司盧暉略守石頭城開

北門降

江降戶翻

僧辯入據之景與霸先殊死戰景帥百餘

騎奔稍執刀左右衝陳

稍色角翻

陳不動衆遂大潰諸軍逐

北至西明門

西明門建康外城西中門

景至闕下不敢入臺召王偉

責之曰爾令我為帝今日誤我偉不能對繞闕而藏景

欲走偉執鞶諫曰

鞶苦貢翻

自古豈有叛天子邪宮中衛士

猶足一戰弃此將欲安之景曰我昔敗賀拔勝

見一百五十六

卷武帝中大通六年敗補邁翻

破葛榮

見一百五十二年

揚名河朔度江

平臺城降柳仲禮如反掌

見一百六十有二卷

今日天

亡我也因仰觀石闕歎息久之以皮囊盛其江東所生

二子

盛時征翻景至建康所生子也

掛之鞍後與房世貴等百餘騎東

走欲就謝答仁於吳侯子鑒王偉陳慶奔朱方僧辯命

裴之橫杜龕屯杜姥宅杜則入據臺城僧辯不戢軍士

剽掠居民男女裸露

姥莫補翻則士力翻戢則立翻剽匹妙翻裸即果翻

自石頭

至於東城號泣滿道

號戶刀翻

是夜軍士遺火焚太極殿及

東西堂寶器羽儀輦輅無遺

史言王僧辯御軍無法失代罪弔民肅清禁輦之意

戊子僧辯命侯瑱等帥精甲五千追景王克元羅等帥

臺內舊臣迎僧辯於道僧辯勞克曰

勞力到翻

甚苦當多事

之日克不能對又問璽綬何在

璽斯氏翻綬音弗

克良久曰趙

平原持去

侯景侍中趙思賢魚平原太守

僧辯曰王氏百世卿族一朝

而墜僧辯迎太宗梓宮升朝堂帥百官哭踊如禮

朝直遙翻

己丑僧辯等上表勸進

上時掌翻子王以賊平告明堂大社己丑

考異曰梁帝紀戊

僧辯等奉表按表文云衆軍以戊子總集建康豈是日告捷即能達江陵乎蓋僧辯等以己丑日發表勸進耳

且迎都建業湘東王答曰淮海長鯨雖云授首襄陽短

狐未全革面

禹貢曰淮海惟揚州長鯨謂侯景古者伐國取其鯨鯢以為大戮岳陽王啓據襄陽

與湘東為敵故斥為短狐短狐蠅也含沙射人中之者死易曰小人革面

太平王燭爾乃議

之爾雅春為青陽夏為朱明秋為白藏冬為玄英四時和謂之玉燭釋云此釋太平之時四時和暢以致嘉

祥之事也云春為青陽者言春之氣和則青而溫陽也云夏為朱明者言夏之氣和則赤而光明也云秋為白藏者言秋之氣和則白而收藏也云冬為玄英者言冬之氣和則黑而清英也四時和謂之玉燭者言四時和氣溫潤明照故謂之玉燭李巡云人君德美如玉而明若燭聘義君子比德於玉焉是時人君若德輝動於內

則和氣應於外統
而言之謂之玉燭

庚寅南兖州刺史郭元建秦郡戍主

郭正買

侯景以廣陵為南兖州因南朝之舊也

陽平戍主魯伯和行南徐

州事郭子仲並據城降

降戶江翻

僧辯之發江陵也啟湘東

王曰平賊之後嗣君萬福未審何以為禮王曰六門之

內自極兵威

臺城六門大司馬門萬春門東華門西華門太陽門承明門

僧辯曰討

賊之謀臣為己任成濟之事請別舉人

成濟弒魏高貴鄉公王僧辯欲

避弒君之惡名故云

王乃密諭宣猛將軍朱買臣使為之所及景

敗太宗已殂豫章王棟及二弟橋樛相扶出於密室

樛居

叫翻逢杜蒯於道為去其鎖二弟曰今日始免橫死矣為于

偽翻去羗呂棟曰倚伏難知吾猶有懼賈誼鵬賦曰禍兮福所倚福兮

禍翻所伏辛卯遇朱買臣呼之就船共飲未竟並沈於水沈時

林翻僧辯遣陳霸先將兵向廣陵受郭元建等降又遣使

者往安慰之將即亮翻降戶諸將多私使別索馬仗索山

客翻會侯子鑒度江至廣陵謂元建等曰我曹梁之深讎

何顏復見其主復扶又翻不若投北可得還鄉遂皆降齊霸

先至歐陽齊行臺辛術已據廣陵王偉與侯子鑒相失

直瀆戍主黃公喜獲之送建康

孫盛晉春秋曰直瀆在方山王安石詩山蟠直

瀆輸淮口陸游曰直瀆吳孫氏所開溫庭筠過吳景帝

陵詩壺開直瀆三千里青蓋何曾到洛陽按侯子鑒王

偉已度江此非方山之直瀆也沈約志

盱眙太守管下有直瀆今晉安帝立縣王僧辯問曰卿

為賊相不能死節而求活草間邪偉曰廢興命也使漢

帝早從偉言明公豈有今日

謂臺城之破僧辯已降侯景縱還竟陵使有今日偉

之此言亦以愧僧辯也

尚書左丞虞隲嘗為偉所辱乃唾其面偉

曰君不讀書不足與語隲慙而退

隲之日翻唾吐臥翻

僧辯命羅

州刺史徐嗣徽鎮朱方壬辰侯景至晉陵得田遷餘兵

田遷東攻劉神茂
有餘兵在晉陵

因驅掠居民東趨吳郡

趙七喻翻

夏四

月齊主使大都督潘樂與郭元建將兵五萬攻陽平拔

之王僧辯啟陳霸先鎮京口

考異曰陳紀高祖應接郭元建還僧辯啟高祖

鎮京口按是時徐嗣徽為南徐州刺史
蓋霸先但領兵戍京口耳未為刺史也

益州刺史太

尉武陵王紀頗有武略在蜀十七年南開寧州越雋西

通資陵吐谷渾內修耕桑鹽鐵之政外通商賈遠方之

利

雋音髓吐從瞰入聲谷音浴賈音古

故能殖其財用器甲殷積有馬

八千匹聞侯景陷臺城湘東王將討之謂僚佐曰七官

文士豈能匡濟

湘東於兄弟次第七故呼為七官

內寢柏殿柱繞節生

花紀以為已瑞乙巳即皇帝位改元天正立子圓照為

皇太子圓正為西陽王圓滿為竟陵王圓普為譙王圓

肅為宜都王以巴西梓潼二郡太守永豐侯為征西

大將軍益州刺史封秦郡王

吳立永豐縣屬始安郡為吁為翻

司馬王

僧略直兵參軍徐怿固諫不從

怿普耕翻

僧略僧辯之弟怿

勉之從子也

徐勉梁初賢相從才用翻

初臺城之圍怿勸紀速入援

紀意不欲行內銜之會蜀人費合告怿反怿有與將帥

書云事事往人口具紀即以為反徵

費扶沸翻將即亮翻帥所類翻徵讀

曰證謂怍曰以卿舊情當使諸子無恙

恙余亮翻

對曰生兒悉

如殿下留之何益

以譏切紀不能救君父

紀乃盡誅之梟首於市

梟堅亮翻

亦殺王僧略永豐侯撫歎曰王事不成矣善人國

之基也今先殺之不亡何待紀徵宜豐侯諮議參軍劉

璠為中書侍郎

璠字袁翻

使者八反乃至紀令劉孝勝深布

腹心璠苦求還中記室常登私謂璠曰殿下忍而蓄憾

足下不留將致大禍孰若共構大厦使身名俱美哉

夏戶

雅翻

璠正色曰卿欲緩頰於我耶

緩頰說也漢高帝謂酈食其曰緩頰往說魏王

豹

我與府侯分義已定

府侯謂宜豐侯循分扶問翻

豈以夷險易其

心乎殿下布大義於天下終不逞志於一夫紀知必

不為已用乃厚禮遣之以宜豐侯循為益州刺史封隨

郡王以璠為循府長史蜀郡太守

謝答仁討劉神茂

還至富陽聞侯景敗走帥萬人欲北出侯之

帥讀曰率

趙伯

超據錢塘拒之侯景進至嘉興

沈約曰嘉興本名長水秦改曰由拳吳孫權黃

龍四年由拳縣生嘉禾改曰禾興孫皓避父名改曰嘉興今秀州是也北至吳郡一百五十五里

聞伯

超叛之乃退據吳已酉侯瑱追及景於松江

松江在今吳縣一名

笠澤在吳縣南四十里

景猶有船二百艘衆數千人

艘蘇

瑱進擊

敗之

敗補邁翻

擒彭雋田遷房世貴蔡壽樂王伯醜

樂音洛

瑱

生剖雋腹抽其腸雋猶不死手自收之乃斬之景與腹

心數十人單舸走推墮二子於水

舸古我翻推吐雷翻

將入海瑱

遣副將焦僧度追之

將即亮翻

景納羊侃之女為小妻以其

兄鷗為庫直都督待之甚厚鷗隨景東走與景所親王

元禮謝歲琨密圖之歲琨答仁之弟也景下海欲向蒙

山

景自滬瀆下海魏收志東安郡新泰縣有蒙山景欲浮海趣山東復入北也

藏音威蕤如佳翻已卯

景晝寢鵾語海師

海師習知海道者也語牛倨翻

此中何處有蒙山汝

但聽我處分

處昌呂翻分扶問翻

遂直向京口至胡豆洲景覺大

驚問岸上人云郭元建猶在廣陵景大憙

覺古孝翻憙與喜同

將

依之鵾拔刀叱海師向京口

考異曰典略云舟人李橫文紹景向南徐州今從

梁書因謂景曰吾等為王効力多矣

為于偽翻

今至於此終無

所成欲就乞頭以取富貴景未及答白刃交下景欲投

水鵾以刀斫之景走入船中以佩刀抉船底

抉船底欲入水抉一

決翻 鷗以稍刺殺之

稍色角翻 刺七亦翻

尚書右僕射索超世在別

船歲蕤以景命名而執之南徐州刺史徐嗣徽斬超世

王偉索超世景之謀主也索蘇各翻

以鹽內景腹中送其尸於建康僧辯

傳首江陵截其手使謝歲蕤送於齊暴景尸於市士民

爭取食之并骨皆盡漂陽公主亦預食焉

考異曰典略云復烹漂

陽公主今從南史

初景之五子在北齊世宗剝其長子面而烹

之幼者皆下蠶室

長知兩翻 下遐嫁翻

齊顯祖即位夢獼猴坐其

御牀乃盡烹之趙伯超謝答仁皆降於侯瑱瑱并田遷

等送建康王僧辯斬房世貴於市送王偉呂季略周石

珍嚴亶趙伯超伏知命於江陵丁巳湘東王下令解嚴

乙丑葬簡文帝於莊陵廟號太宗 侯景之敗也以

傳國璽自隨

璽斯氏翻

使其侍中兼平原太守趙思賢掌之

曰若我死宜沈於江勿令吳兒復得之思賢自京口濟

江遇盜從者弃之草間

沈持林翻復扶又翻從才用翻

至廣陵以告郭

元建元建取之以與辛術壬申術送之至鄴 甲申齊

以吏部尚書楊愔為右僕射以太原公主妻之

愔於今翻妻七

細翻

公主即魏孝靜帝之后也

楊乾運至劔北

劔北劔閣之北

也

魏達奚武逆擊之大破乾運於白馬陳其俘馘於南

鄭城下且遣人辱宜豐侯循循怒出兵與戰都督楊紹

伏兵擊之殺傷殆盡劉璠還至白馬西

劉璠自成都還魏收志華陽郡

沔陽縣有白馬城宜豐侯循傳璠見禽于嶓冢嶓冢縣亦屬華陽郡五代志漢中郡西縣舊曰嶓冢為武

所獲送長安太師秦素聞其名待之如舊交時南鄭久

不下武請屠之秦將許之璠請之於朝

朝謂魏朝也朝直遙翻

秦

怒不許璠泣請不已秦曰事人當如是乃從其請

五

月庚午司空南平王恪等復勸進

復扶又翻

湘東王猶不受

遣侍中豐城侯泰謁山陵

沈約志豫章豐城縣吳立曰富城晉武帝更名考異曰

梁書在四月官為司空太清紀在此月官太宰今從梁書修復廟社戊寅侯景首至

江陵梟之於市三日

梟堅翻

煇而漆之以付武庫庚辰以

南平王恪為揚州刺史甲申以王僧辯為司徒鎮衛將

軍封長寧公

鎮衛將軍梁定二百四十號其班宰矣僧辯元功必封長寧郡公長寧郡晉安帝置

屬荆

陳霸先為征虜將軍開府儀同三司封長城縣侯

賞平侯景之功也霸先長城縣人也杜祐曰湖州長城縣吳王闔閭遣弟夫槩築城狹而長晉武帝太康三年

置乙酉誅侯景所署尚書僕射王偉左民尚書呂季略

少府周石珍舍人嚴亶於市趙伯超伏知命餓死於獄以謝答仁不失禮於太宗特宥之王偉於獄中上五百

言詩

五百言詩今之五十韻詩也上時掌翻

湘東王愛其才欲宥之有嫉

之者言於王曰前日偉作檄文甚佳王求而視之檄云項羽重瞳尚有烏江之敗

重直龍翻

湘東一目寧為赤縣所

歸王大怒釘其舌於柱

釘丁定翻

剗腹臠肉而殺之

剗烏丸翻王偉

侯景之所取計者也自圍臺城以至於移梁祚屠蕭氏以及其臣民皆偉之謀帝忘其父子兄弟之讎乃愛其

才而欲宥之發怒於微
文而後誅之失刑甚矣

丙戌齊合州刺史斛斯昭攻

歷陽拔之

丁亥下令以王偉等既死自餘衣冠舊貴

被逼偷生

被皮義翻

猛士勲豪和光苟免者皆不問

扶風

民魯悉達糾合鄉人以保新蔡

陳書魯悉達扶風人祖父至悉達皆仕於齊梁

沈約宋志江州所部有南新蔡郡不言僞置之也但云去京都水行一千三百七十六里有餘以水程約言之南新蔡郡當置於今蘄州界五代志蘄州黃梅縣舊曰永興隋開皇初改曰新蔡蓋因南新蔡郡以名縣也劉昫曰黃梅縣宋分置新蔡郡

力田蓄穀時江東飢亂餓死者什八九

遺民攜老幼歸之悉達分給糧廩全濟甚衆招集晉熙

等五郡盡有其地使其弟廣達將兵從王僧辯討侯景

將即亮

翻下同景平以悉達為北江州刺史

魏收志梁武帝置北江州治鹿城關

領義陽齊昌新昌梁安齊興郡五代志黃州

齊主使

木蘭縣梁置北江州唐併木蘭入黃岡縣

其散騎常侍曹文皎等來聘湘東王使散騎常侍柳暉

等報之且告平侯景亦遣舍人魏彥告於魏齊主使

潘樂郭元建將兵圍秦郡行臺尚書辛術諫曰朝廷與

湘東王信使不絕

使疏吏翻

陽平侯景之土取之可也今王

僧辯已遣嚴超達守秦郡於義何得復爭之

復扶又翻

且水

遼方降不如班師弗從陳霸先命別將徐度引兵助秦
郡固守齊衆七萬攻之甚急王僧辯使左衛將軍杜賁
救之霸先亦自歐陽來會與元建大戰於士林大破之

士林在六合縣界

斬首萬餘級生擒千餘人元建收餘衆北遁

猶以通好不窮追也

好呼到翻

辛術遷吏部尚書自魏遷鄴

以後大選之職知名者數人

吏部選為大選選須綰翻

互有得失齊

世宗少年高朗所獎者疎袁叔惠沈密謹厚所傷者細

少詩照翻沈持林翻

楊愔風流辯給取士失於浮華唯術性尚貞

明取士必以才器循名責實新舊參舉管庫必擢門閥

不遺

閥音伐說文閥閥自序也史記明其等曰閥積其功曰閥此所謂門閥者直言世家子弟門地素高

者耳又說門在左

考之前後最為折衷

衷陟仲翻

魏達奚

曰閥在右曰閥

武遣尚書左丞柳帶韋入南鄭說宜豐侯循曰

說式為翻

足

下所固者險所恃者援所保者民今王旅深入所憑之

險不足固也白馬破走酋豪不進

謂楊乾運也酋慈秋翻

所望之

援不可恃也長圍四合所部之民不可保也且足下本

朝喪亂社稷無主欲誰為為忠乎

朝直遙翻喪息浪翻誰為之為于偽翻

豈若轉禍為福使慶流子孫邪循乃請降

降戶江翻

帶常慶

之子也

柳慶見一百六十一卷武帝太清二年

開府儀同三司賀蘭惠願

聞城中食盡請攻之大都督赫連達曰不戰而獲城策

之上者豈可利其子女貪其財貨而不愛民命乎且觀

其士馬猶彊城池尚固攻之縱克則彼此俱傷如困獸

猶鬪

左傳吳夫槩王之言

則成敗未可知也武曰公言是也乃受

循降獲男女二萬口而還

還從宣翻又如字

於是劔壯皆入於

魏 六月丁未齊主還鄴乙卯復如晉陽

復扶又翻

庚寅

立安南侯方矩為王太子 齊遣散騎常侍謝季卿來

賀平侯景 衡州刺史王懷明作亂廣州刺史蕭勃討

平之 齊政煩賦重江北之民不樂屬齊其豪傑數請

兵於王僧辯僧辯以與齊通好皆不許

樂音洛數所角
翻好呼到翻

秋七月廣陵僑人朱盛等

僑人本非廣陵人
而僑居廣陵者

潛聚黨數

千人謀襲殺齊刺史溫仲邕遣使求援於陳霸先

使疏
吏翻

下使云已克其外城霸先使告僧辯僧辯曰人之情偽

未同

未易可測

易弋
豉翻

若審克外城亟須應援如其不爾無煩

進軍使未報霸先已濟江僧辯乃命武州刺史杜蒧等

助之會盛等謀泄霸先因進軍圍廣陵八月魏安康人

黃衆寶反攻魏興執太守柳檜進圍東梁州

梁置南梁州於西城

郡西魏改曰東梁州西城古魏興郡治所魏收志後魏太延五年別置魏興郡於上洛郡界帶陽亭縣屬洛州

洛州後改爲商州

令檜誘說城中

誘音酉說式芮翻

檜不從而死檜蚪

之弟也

柳蚪柳慶之兄見一百五十一卷武帝大同三年

太師泰遣王雄與驃

騎大將軍武川宇文蚪討之

驃匹妙翻騎奇寄翻

武陵王紀舉

兵由外水東下以永豐侯撫爲益州刺史守成都使其

子宜都王圓肅副之 九月甲戌司空南平王恪卒甲

申以王僧辯為揚州刺史 齊主使告王僧辯陳霸先

曰請釋廣陵之圍必歸廣陵歷陽兩城霸先引兵還京

口江北之民從霸先濟江者萬餘口湘東王以霸先為

征北大將軍開府儀同三司南徐州刺史徵霸先世子

昌霸先封長城縣侯昌為世子及兄子頊詣江陵以昌為散騎常侍

頊為領直梁宿衛之官有四廂領直蓋領直衛之士因以名官為昌頊陷魏張本宜豐

侯循之降魏也丞相泰許其南還久而未遣從容問劉

璠曰

從干容翻

我於古誰比對曰璠常以公為湯武今日所

見曾桓文之不如泰曰我安敢比湯武庶幾望伊周何

至不如桓文對曰齊桓存三亡國

左傳宋司馬子魚曰齊桓存三亡國以屬

諸侯杜預注曰三亡國魯衛邢

晉文公不失信於伐原語未竟泰撫掌

曰我解爾意

解戶買翻

欲激我耳乃謂循曰王欲之荆為之

益

武陵王紀封循為隨郡王故以王稱之

循請還江陵泰厚禮遣之

異曰考

典略云十月乙未朔太祖謂循云云按太清紀是月循至江陵今從之

循以文武千家自

隨湘東王疑之遣使覘察相望於道

使疏吏翻覘丑廉翻又丑艷翻

始

至之夕命劫竊其財及旦循啟輪馬伏王乃安之引入
對泣以循為侍中驃騎將軍開府儀同三司 冬十月

齊主自晉陽如離石自黃櫨嶺起長城北至社平戌四

百餘里置三十六戌

此長城蓋起於唐石州北抵武州之境櫨音盧社平齊紀作社子按

斛律金傳黃櫨嶺在烏突戌東

戊申湘東王執湘州刺史王琳於殿

中殺其副將殷晏琳本會稽兵家

將即亮翻會工外翻

其姊妹皆

入王宮故琳少在王左右琳好勇王以為將帥琳傾身

下士

少詩沼翻好呼到翻帥所類翻下遐嫁翻下王下同

所得賞賜不以入家麾

下萬人多江淮羣盜從王僧辯平侯景與杜龕功居第

一龕苦寒翻

在建康恃寵縱暴僧辯不能禁僧辯以宮殿之

燒

謂軍人遺火焚太極殿及東西堂也

恐得罪欲以琳塞責

塞悲則翻

乃密啟

王請誅琳王以琳為湘州琳自疑及禍使長史陸納帥

部曲赴湘州

帥讀曰率

身詣江陵陳謝謂納等曰吾若不返

子將安之

之往也

咸曰請死之相泣而別至江陵王下琳

吏辛酉以王子方略為湘州刺史又以廷尉黃羅漢為

長史使與太舟卿張載至巴陵先據琳軍

五代志太舟卿梁初為都

水臺使者天監七年改焉位視中書
郎列卿之最末者也主舟航堤渠

載有寵於王而御

下峻刻荊州人疾之如讎羅漢等至琳軍陸納及士卒

並哭不肯受命執羅漢及載王遣宦者陳旻往諭之納

對旻剗載腹抽腸以繫馬足使繞而走腸盡氣絕又鬻

割出其心向之拊舞

拊舞拊手而舞

焚其餘骨以黃羅漢清謹

而免之納與諸將引兵襲湘州時州中無主納遂據之

公卿藩鎮數勸進於湘東王

數所角翻

十一月丙子世祖

即皇帝位於江陵改元大赦

改太清為承聖

是日帝不升正殿

公卿陪列而已

史言帝不能正其始

丁丑以宜豐侯循為湘州

刺史

已卯立王太子方矩為皇太子更名元良

更工行翻

皇子方智為晋安王方略為始安王方等之子莊為永

嘉王

方等伐湘州戰敗而死

追尊母阮修容為文宣皇后

修容魏文帝所

制自晋以来位列九嬪

侯景之亂州郡大半入魏自巴陵以下至

建康以長江為限荊州界北盡武寧西拒硤口

北盡武寧與岳

陽王譽分界西拒硤口與武陵王紀分界硤當作硤

嶺南復為蕭勃所據

復扶又翻

詔

令所行千里而近民戶著籍不盈三萬而已

著直略翻史言荊州

管內
蕭條

陸納襲擊衡州刺史丁道貴於淶口破之

衡州治衡

陽縣縣東二十里有鄴湖其水湛然綠色取以釀酒甘美謂之鄴淶淶口即鄴湖口也唐志潭州有淶口戍丁度曰湘東有淶水張舜民郴行錄嘉魚縣口舟行七十餘里至淶溪口南北對境圖自岳州沿江東北下過侯敬港神林港象湖港新打口石頭口得淶溪口按郴行錄對境圖之淶溪口皆非丁道貴敗處唯唐志之潭州淶口戍為道貴奔零陵其衆悉降於納
淶音綠
江翻
上聞之遣

使徵司徒王僧辯右衛將軍杜崱平北將軍裴之橫與

宜豐侯循共討納循軍已陵以待之侯景之亂零陵人

李洪雅據其郡上即以為營州刺史

營陽郡亦漢零陵郡之地故因置營

州隋為永州

洪雅請討陸納上許之丁道貴收餘衆與之俱

納遣其將吳藏襲擊破之洪雅等退保空雲城

姚思廉梁書作

空靈灘水經注長沙建寧縣故城南有空冷峽湘水所經也驚浪奔雷迅同三峡張舜民柳行錄曰自醴陵江口南行十餘里到空靈岫考異曰典略作空零城今從梁書余謂空雲蓋空靈之誤也藏引兵

圍之頃之納請降求送妻子

送妻子為質以示誠款

上遣陳旻至

納所納衆皆泣曰王郎被囚

被皮義翻

故我曹逃罪於湘州

非有他志也乃出妻子付旻旻至巴陵循曰此詐也必

將襲我乃密為之備納果夜以輕兵繼旻後約至城下

鼓譟十二月壬午晨去巴陵十里

言納兵夜行至晨衆距巴陵相去十里

謂已至即鼓譟軍中皆驚循坐胡牀於壘門望之納棄

水來攻矢下如雨循方食甘蔗略無懼色

蔗之夜翻

徐部分

將士擊之

分扶問翻

獲其一艦

艦戶點翻

納退保長沙

壬午齊

主還鄴戊午復如晉陽

復扶又翻

資治通鑑卷一百六十四

欽定四庫全書薈要卷七千一百五十一

史部

資治通鑑卷一百六十五 宋 司馬光 撰

胡三省 音註

梁紀二十一

起昭陽作盟盡開
逢閭茂凡二年

世祖孝元皇帝下

承聖二年春正月王僧辯發建康承制使陳霸先代鎮

揚州

使陳霸先自京
口代鎮揚州

丙子山胡圍齊離石戌寅齊主

討之未至胡已走因巡三堆

魏收地形志永安郡平冠
縣魏真君七年併三堆屬

焉隋鴈門郡嶧縣有平寇縣

大獵而歸

以吏部尚書王褒為左僕

射 己丑齊改鑄錢文曰常平五銖

五代志齊文宣除魏永安五銖改鑄

常平五銖重如其文其錢甚貴且制造甚精

二月庚子李洪雅力屈以空

雲城降陸納

去年吳藏攻李洪雅降戶江翻下同

納因洪雅殺丁道貴納

以沙門寶誌詩識有十八子以為李氏當王

天監中寶誌為識云

太歲龍將無理蕭經霜草應死餘人散十八子時言蕭氏當滅李氏代興識楚諧翻

甲辰推洪

雅為主號大將軍使乘平肩輿列鼓吹納帥眾數千左

右翼從

吹尺瑞翻帥讀曰率下同從才用翻

魏太師泰去丞相大行臺

去羌 呂翻 為都督中外諸軍事 王雄至東梁州黃衆寶帥衆

降

黃衆寶反見上卷上年

太師泰赦之遷其豪帥於雍州

帥所類翻雍於用翻

齊主送柔然可汗鐵伐之父登注及兄庫提還其國

登注

等奔齊見上卷上年可從刊入聲汗音寒

鐵伐尋為契丹所殺

契欺訖翻又音喫

國人

立登注為可汗登注復為其大人阿富提所殺

復扶又翻

國人

立庫提哭厥伊利可汗卒子科羅立號乙息記可汗

厥君

勿翻 考異曰顏師古隋書突厥傳云弟逸可汗立今從周書及北史

三月遣使獻馬五萬

於魏

使疏吏翻

柔然別部又立阿那瓌叔父鄧叔子為可汗考

異曰魏書北史蠕蠕傳皆云立鐵代為可汗哭厥傳
皆云立鄧叔子為可汗蓋諸部分散各有所立也
乙息

記擊破鄧叔子於沃野北木賴山乙息記卒捨其子攝圖

而立其弟侯斤號木杆可汗

侯渠之翻杆公旦翻為後他鉢卒攝圖爭國張本考異

曰周書作木杆今從北史

木杆狀貌奇異性剛勇多智畧善

用兵鄰國畏之上聞武陵王紀東下使方士畫版為紀

像

畫與畫同

親釘支體以厭之

釘丁定翻厭於叶翻

又執侯景之俘以報

紀初紀之舉兵皆太子圓照之謀也圓照時鎮巴東

巴東信州

執留使者啟紀云侯景未平宜急進討已聞荆鎮為景所

破紀從之趣兵東下

使疏吏翻趣讀曰促

上甚懼與魏書曰子糾

親也請君討之

左傳齊無知弑其君雍廩殺無知公子小白自莒入於齊魯莊公伐齊納子糾

魯師敗績齊鮑叔帥師來言曰子糾親也請君討之乃殺子糾

太師泰曰取蜀制梁在

茲一舉諸將咸難之

咸以為難也

大將軍代人尉遲迴泰之

甥也

迴傳其先魏之別種號尉遲部因氏焉尉紆勿翻

獨以為可克泰問以方

略迴曰蜀與中國隔絕百有餘年恃其險不虞我至若

以鐵騎兼行襲之無不克矣

騎奇寄翻下同

泰乃遣迴督開府

儀同三司原珍等六軍甲士萬二千騎萬匹自散關伐

蜀

考異曰典略在正月戊辰今從周紀

陸納遣其將吳藏潘烏黑李賢

明等下據車輪

將即亮翻下同按下文陸納夾岸為城甲子王僧辯攻拔之乙丑進圍長沙則

車輪之地蓋據湘江之要去長沙不遠也

考異

王僧

曰梁紀云二月丙子按長歷二月無丙子梁紀誤

辯至巴陵

考異曰典畧云三月辛酉按長歷是月癸亥朔無辛酉典畧誤

宜豐侯循

讓都督於僧辯

考異曰僧辯傳云與陳霸先讓都督今從典畧

僧辯弗受上

乃以僧辯循為東西都督夏四月丙申僧辯軍于車輪

考異曰典略作甲子非也今從梁紀

吐谷渾可汗夸呂雖通使於魏

而寇抄不息

吐從瞰入聲谷音浴使疏吏翻下同抄楚交翻

宇文泰將騎三萬

踰隴至姑臧討之夸呂懼請服既而復通使於齊涼州

刺史史寧覘知其還襲之於赤泉

唐志涼州姑臧縣有赤水軍本赤烏鎮有

赤烏泉因名幅負五千一百八十里軍之最大者也復扶又翻覘丑鹽翻又丑艷翻

獲其僕射乞

伏觸狀

陸納夾岸為城以拒王僧辯納士卒皆百戰

之餘僧辯憚之不敢輕進稍作連城以逼之納以僧辯

為怯不設備五月甲子僧辯命諸軍水陸齊進急攻之

僧辯親執旗鼓宜豐侯循親受矢石拔其二城納衆大

敗步走保長沙乙丑僧辯進圍之僧辯坐壘上視築圍

壘吳藏李賢明帥銳卒千人開門突出蒙楯直進趨僧

辯

帥讀曰率楯食尹翻趨七喻翻

時杜崩杜龕並侍左右甲士衛者止

百餘人力戰拒之

崩士力翻龕苦含翻

僧辯據胡牀不動裴之橫

從旁擊藏等藏等敗退賢明死

李賢明本侯景將也景敗歸王琳

藏脫

走入城 武陵王紀至巴郡聞有魏兵遣前梁州刺史

巴西譙淹還軍救蜀初楊乾運求為梁州刺史紀以為

潼州刺史

五代志金山郡西魏置潼州蓋梁已置此州也治涪城

楊灋琛求為黎

州刺史以為沙州

蓋即以平興為沙州也潼音同琛丑林翻

二人皆不悅乾

運兄子畧說乾運曰今侯景初平宜同心戮力

說式萬翻戮音

留又音六并力也

保國寧民而兄弟尋戈

左傳子產曰昔高辛氏有二子伯曰閼伯

季曰實沈不相能也日尋干戈以相征討

此自亡之道也夫木朽不雕

論語孔子

曰朽木不可雕也

世衰難佐不如送款閼中可以功名兩全乾

運然之令略將二千人鎮劍閣又遣其壻樂廣鎮安州

五代志普安郡梁置南安州後改為安州普安舊曰南安西魏改普安將即亮翻

與灋琛皆潛

通於魏魏太師泰密賜乾運鐵券授驃騎大將軍開府

儀同三司梁州刺史

西魏之官驃騎大將軍開府儀同三司位次柱國大將軍驃匹妙翻

尉遲廻以開府儀同三司侯呂陵始為前軍

侯呂陵虜三字姓

至劔閣畧退就樂廣翻城應始始入據安州甲戌廻至

涪水

涪水自龍州入潼州界潼州治涪其城西臨涪水涪音浮

乾運以州降

降戶翻廻

分軍守之進襲成都時成都見兵不滿萬人

見賢遍翻

倉庫

空竭永豐侯撫嬰城自守廻圍之譙淹遣江州刺史景

欣幽州刺史趙拔扈援成都

五代志隆山郡隆山縣舊曰捷為縣置江州

廻

使原珍等擊走之武陵王紀至巴東聞侯景已平乃自

悔召太子圓照責之對曰侯景雖平江陵未服紀亦以

既稱尊號

紀稱尊號見上卷上年

不可復為人下

復扶又翻下上復送乃復無復

同

欲遂東進將卒日夜思歸其江州刺史王開業以為

宜還救根本更思後圖諸將皆以為然

將即亮翻

圓照及劉

孝勝固言不可紀從之宣言於衆曰敢諫者死己丑紀

至西陵軍勢甚盛舳艫翳川

舳音逐艫音盧翳蔽也

護軍陸灋和

築二城於峽口兩岸運石填江鐵鎖斷之

斷音短

帝拔任

約於獄以為晋安王司馬

帝封子方智為晋安王任音壬

使助灋和拒

紀

赤亭之戰法和活約是有舊恩故使助之

謂之曰汝罪不容誅我不殺本

為今日因撤禁兵以配之仍許妻以廬陵王續之女使

宣猛將軍劉綦與之俱

為于偽翻妻七
細翻綦符介翻

庚辰巴州刺

史余孝頃將兵萬人會王僧辯於長沙

將即亮
翻下同

豫章

太守觀寧侯永昏而少斷

少詩治翻
斷丁亂翻

左右武蠻奴用事

軍主文重疾之永將兵討陸納至宮亭湖重殺蠻奴永

軍潰奔江陵重將其眾奔開建侯蕃蕃殺之而有其眾

開建侯蕃時鎮鄱陽沈約曰宋文帝分臨賀郡之封陽縣立開建縣

六月壬辰武陵王

紀築連城攻絕鐵鎖陸灋和告急相繼上復拔謝朓仁

於獄

去年侯景敗得謝
荅仁不殺而囚之

以為步兵校尉

梁東宮有步兵
等三校尉校戶

教

配兵使助灋和又遣使送王琳令說諭陸納

使疏吏
翻說式

為

乙未琳至長沙僧辯使送示之納眾悉拜且泣使謂

僧辯曰朝廷若赦王郎乞聽入城僧辯不許復送江陵

陸灋和求救不已上欲召長沙兵恐失陸納乃復遣琳

許其入城琳既入納遂降湘州平

降戶江翻
梁紀乙酉湘州平按

考異曰

長歷是月無
乙酉梁紀誤

上復琳官爵使將兵西援峽口

將即
亮翻

甲

辰齊章武景王庫狄干卒 武陵王紀遣將軍侯叡將

衆七千築壘與陸灋和相拒上遣使與紀書許其還蜀

專制一方紀不從報書如家人禮

不肯定君臣之分而用兄弟之禮使䟽吏

翻下

陸納既平湘州諸軍相繼西上

上時掌翻

上復與紀書

曰吾年為一日之長屬有平亂之功膺此樂推事歸當

壁

長陟丈翻屬之欲翻樂音洛左傳楚共王無冢適有寵子五人無適立焉乃大有事於羣望而祈曰請神

擇於五人者使主社稷乃徧以璧見於羣望曰當璧而拜者神所立也既乃密埋璧於太室之庭使五人者齊而長入拜康王跨之靈王肘加焉子干子皙皆遠之平王弱抱以入再拜皆壓紐後平王卒有楚國儻遣

使乎良所遲也

遲直利翻待也

如曰不然於此投筆友于兄弟

分形共氣兄肥弟瘦無復相見之期讓棗推梨永罷懽

愉之日

漢孔融兄弟七人融第六四歲時與諸兄共食梨棗輒引小者人問其故荅曰我小兒法當取

小者人皆異之推吐雷翻

心乎愛矣書不盡言

言兄弟之愛存之於心非書翰之間所能

盡言也

紀損兵日久頻戰不利又聞魏寇深入成都孤危

憂懣不知所為

懣音悶又音滿

乃遣其度支尚書樂奉業詣江

陵求和請依前旨還蜀

度徒洛翻

奉業知紀必敗啟上曰蜀

軍乏糧士卒多死危亡可待上遂不許其和

史言上兄弟皆阻兵

而安忍

紀以黃金一斤為餅餅百為篋至有百篋銀五倍

於金錦罽繒綵稱是每戰懸示將士不以為賞

罽音計
繒慈陵

翻稱尺證翻將
即亮翻下同

寧州刺史陳智祖請散之以募勇士弗

聽智祖歿而死有請事者紀稱疾不見由是將卒解體

秋七月辛未巴東民符昇等斬峽口城主公孫晃降於

王琳

將即亮翻降戶江翻
曰典畧作丙戌今從梁書考異

謝荅仁任約進攻侯

覲破之拔其三壘於是兩岸十四城俱降紀不獲退

諸城

已降江陵兵斷
道故不獲退

順流東下游擊將軍樊猛追擊之紀衆

大潰赴水死者八千餘人猛圍而守之上密敕猛曰生

還不成功也猛引兵至紀所紀在舟中繞牀而走以金

囊擲猛曰以此雇卿送我一見七官猛曰天子何由可

見殺足下金將安之

之往也

遂斬紀及其幼子圓滿陸灋

和收太子圓照兄弟三人送江陵上絕紀屬籍賜姓饗

餐氏

饗他刀翻餐他結翻貪財為饗貪食為餐以帝鴻氏不才子比紀也

下劉孝勝獄已

而釋之

紀之稱帝舉兵劉孝勝實鼓成之此而不誅亦失刑也下退嫁翻

上使謂江安

侯圓正曰西軍已敗汝父不知存亡意欲使其自裁

圓正

見囚見上卷簡文帝大寶二年

圓正聞之號哭稱世子不絕聲

答圓照之誤紀

也號戶
刀翻

上頻使覘之知不能死移送廷尉獄見圓照曰

兄何乃亂人骨肉使痛酷如此圓照唯云計誤上並命

絕食於獄至齧臂啖之十三日而死遠近聞而悲之

丑覘

廉翻

又丑艷翻齧魚結

翻啖徒敢翻又徒濫翻

乙未王僧辯還江陵詔諸軍各

還所鎮

魏尉遲迴圍成都五旬永豐侯撫屢出戰皆

敗乃請降諸將欲不許迴曰降之則將士全遠人悅攻

之則將士傷遠人懼遂受之八月戊戌撫與宜都王圓

蕭帥文武詣軍門降

撫許常翻降戶江翻
將即亮翻帥讀曰率

迴以禮接之

與盟於益州城北吏民皆復其業唯收奴婢及儲積以

賞將士軍無私焉

史言尉遲迥能
凝蜀人之心

魏以撫及圓肅並為

開府儀同三司以迥為大都督益潼等十二州諸軍事

益州刺史 庚子下詔將還建康領軍將軍胡僧祐太

府卿黃羅漢吏部尚書宗懔

懔力荏翻
又巨禁翻

御史中丞劉鼓

鼓音訖
岳翻

諫曰建業王氣已盡與虜止隔一江若有不虞

悔無及也

建業與齊止隔一江固也獨不思江陵介在
江北逼近襄陽岳陽有復讐之志宇文有啟

疆之
思乎

且古老相承云荊州洲數滿百當出天子今枝江

生洲百數已滿

盛弘之荊州記曰自枝江縣西至上明東及江津其中有九十九洲楚諺云洲

不百故不出王者

陛下龍飛是其應也上令朝臣議之

朝直

黃

門侍郎周弘正尚書右僕射王褒曰今百姓未見輿駕入建康謂是列國諸王願陛下從四海之望時羣臣多

荊州人皆曰弘正等東人也

周顓王導自南渡以來世居建康故謂為東人

志

願東下恐非良計弘正面折之曰

折之

東人勸東謂非

良計西人欲西豈成長策上笑又議於後堂會者五百

人上問之曰吾欲還建康諸卿以為如何衆莫敢先對

上曰勸吾去者左袒左袒者過半武昌太守朱買臣言

於上曰建康舊都山陵所在

梁氏自簡文以上葬建康武帝以上葬晉陵守式又

翻

荊鎮邊疆非王者之宅

荊州被邊自晉以來為重鎮

願陛下勿疑

以致後悔臣家在荊州豈不願陛下居此但恐是臣富

貴非陛下富貴耳上使術士杜景豪卜之不吉對上曰

未去退而言曰此兆為鬼賊所留也上以建康彫殘江

陵全盛意亦安之卒從僧祐等議

史言上懷居遠卜以成亡國之禍卒子恤

翻

以湘州刺史王琳為衡州刺史

九月庚午詔王

僧辯還鎮建康陳霸先復還京口

復扶入翻

丙子以護軍將

軍陸灋和為郢州刺史灋和為政不用刑獄專以沙門

灋及西域幻術

幻胡辨翻

教化部曲數千人通謂之弟子

契丹寇齊邊

契欺訖翻

壬午齊主北巡冀定幽安

冀定幽安四州名

遂伐契丹齊主使郭元建治水軍二萬餘人於合肥

治直之翻

將襲建康納湘潭侯退

退北奔見一百六十二卷武帝太清二年

又遣

將軍邢景遠步大汗薩帥衆繼之

步大汗虜三字姓汗音寒薩桑葛翻考

異曰梁書作邢景遠步六汗薩今從北齊書北史

陳霸先在建康聞之白上上

詔王僧辯鎮姑孰以禦之 冬十月丁酉齊主至平州

從西道趣長塹

曹操征烏桓出盧龍塞塹山埋谷五百餘里後人因謂之長塹趣七喻翻塹七

翻艷使司徒潘相樂帥精騎五千自東道趣青山辛丑至

白狼城壬寅至昌黎城使安德王韓軌帥精騎四千東

斷契丹走路

魏收地志營州統內建德郡治白狼城中興初分樂陵置安德郡治般縣帥讀曰率

騎奇寄翻癸卯至陽師水

唐志貞觀三年以契丹室韋部落置師州及陽師縣於營州之廢陽

師鎮即此

倍道兼行掩襲契丹齊主露髻肉袒晝夜不息行

千餘里踰越山嶺為士卒先唯食肉飲水壯氣彌厲甲

辰與契丹遇奮擊大破之虜獲十餘萬口雜畜數百萬

頭

畜許救翻

潘相樂入於青山破契丹別部丁未齊主還至

營州

己酉王僧辯至姑孰遣婺州刺史侯瑱

東陽郡梁置婺

州瑱他旬翻又音鎮

吳郡太守張彪吳興太守裴之橫築壘東關

以待齊師

丁巳齊主登碣石山臨滄海遂如晉陽以

肆州刺史斛律金為太師召還晉陽拜其子豐樂為武

衛大將軍

樂音洛

命其孫武都尚義寧公主寵待之厚羣

臣莫及

金子羨字豐樂武都光之子也樂音洛

閏月丁丑南豫州刺史

侯瑱

南豫州時治姑孰瑱他旬翻又音鎮

與郭元建戰於東關齊師大敗

溺死者萬計

溺奴狄翻

湘潭侯退復歸於鄴

復扶又翻

王僧辯還

建康

吳州刺史開建侯蕃恃其兵彊貢獻不入

五代志鄴

陽郡梁置吳州

上密令其將徐佛受圖之

將即亮翻

佛受使其徒詐

為訟者詣蕃遂執之上以佛受為建安太守以侍中王

質為吳州刺史質至鄱陽佛受置之金城自據羅城掌

門管

左傳秦杞子曰鄭人使我掌北門之管杜預注曰管籥也

繕治舟艦甲兵

治直之翻

艦戶翻

質不敢與爭故開建侯部曲數千人攻佛受佛受

奔南豫州侯瑱殺之質始得行州事 十一月戊戌以

尚書右僕射王褒為左僕射湘東太守張綰為右僕射

己未突厥復攻柔然柔然舉國奔齊

復扶又翻

癸亥齊

主自晉陽北擊突厥迎納柔然廢其可汗庫提立阿那

瓌子菴羅辰為可汗置之馬邑川給其廩餼繒帛

餼許氣翻

繒慈陵翻親追突厥於朔州突厥請降

降戶江翻下同

許之而還

還從

宣翻又如字

自是貢獻相繼

魏尚書元烈謀殺宇文泰事

泄泰殺之

宇文泰於此獨不書其官因舊史成文也

丙寅上使侍中王琛

使於魏

琛丑林翻
使疏吏翻

太師泰陰有圖江陵之志梁王譽聞

之益重其貢獻

梁王譽欲倚魏以報河東王譽
之仇通鑑至此復書梁王譽

十二

月齊宿預民東方白額以城降江西州郡皆起兵應之

江淮之民苦於齊之虐
政欲相率而歸江南

三年春正月癸巳齊主自離石道討山胡遣斛律金從

顯州道

魏收地形志永安中置顯州治
汾州六壁城蓋在隋西河郡界

常山王演從晉

州道夾攻大破之男子十三以上皆斬

考異曰北史
作十二以上今

從典

女子及幼弱以賞軍遂平石樓石樓絕險自魏世

所不能至

水經河水東逕蒲川石樓山南又南逕蒲城東蓋其地在蒲子縣西五代志汾州樓山縣

有北石樓山又有石樓縣舊置吐京郡宋白曰石樓縣本漢土軍縣後魏置吐京郡蓋胡俗譯言音訛變故曰

吐京也隋改縣曰石樓

於是遠近山胡莫不懾服

懾之涉翻

有都督戰

傷其什長路暉禮不能救帝命剗其五藏

什長十人之長也五藏心

肺肝膽腎長陟犬翻藏徂浪翻

令九人食之肉及穢惡皆盡自是始

為威虐 陳霸先自丹徒濟江圍齊廣陵秦州刺史嚴

超達自秦郡進圍涇州

五代志江都郡永福縣舊曰沛梁置涇州領涇城東陽二郡陳

廢涇州併二郡為沛郡後周改沛郡為石梁縣唐併石梁縣入六合北史梁涇州在石梁杜佑曰揚州天長縣

梁於石梁
置涇州

南豫州刺史侯瑱吳郡太守張彪皆出石梁

為之聲援辛丑使晉陵太守杜僧明帥三千人助東方

白額

帥讀曰率

魏太師泰始作九命之典以叙内外官爵

改流外品為九秩

五代志曰泰命尚書盧辯遠師周之建職置三公三孤以為論道之官次

置六卿以分司庶務其內命謂王朝之臣三公九命三

孤八命六卿七命上大夫六命中大夫五命下大夫四

命上士三命中士再命下士一命外命謂諸侯及其臣

諸公九命諸侯八命諸伯七命諸子六命諸男五命諸

公之孤卿四命侯之孤卿公之大夫三命子男之孤卿

侯伯之大夫公之上士再命公之中士侯伯之上士一

命公之下士侯伯之中士下士子男之士不命其制祿

秩下士一百二十五石中士以上至於上大夫各倍之

上大夫是為四千石卿二分孤三分公四分各益其一
公因盈數為一萬石其九秩一百二十石八秩至于七
秩每二秩六分而下各去其一二秩俱為四十石凡頒
祿視其年之上下畝至四釜為上年上年頒其正三釜
為中年中年頒其半二釜為下年年頒其一無年為
凶荒不頒祿廬辯傳曰柱國大將軍建德四年增置上
柱國上將軍也正九命驃騎大將軍開府儀同三司建
德四年改為開府儀同大將軍仍增上將軍開府儀同
大將軍雍州牧九命驃騎大將軍右光祿大夫車騎將
軍左光祿大夫戶三萬以上州刺史正八命征東征南
征西征北等將軍右金紫光祿大夫中軍鎮軍撫軍等
將軍左金紫光祿大夫都督二萬戶以上州刺史京兆
尹八命平東平西平南平北等將軍右銀青光祿大夫
前右左後等將軍左銀青光祿大夫帥都督柱國大將
軍府長史司馬司錄戶一萬以上州刺史正七命冠軍
將軍太中大夫輔國將軍中散大夫都督五千戶以上

州刺史戶一萬五千戶以上郡守七命鎮遠將軍諫議大夫建忠將軍朝散大夫州將開府長史司馬司錄戶不滿五千以下州刺史戶一萬以上郡守正六命中堅將軍右中郎將寧朔將軍左中郎將儀同府正八命州長史司馬司錄戶五千以上郡守大呼藥六命寧遠將軍右負外常侍楊烈將軍左負外常侍統軍驃騎車騎將軍府八命州長史司馬司錄柱國大將軍府中郎掾屬戶一千以上郡守長安萬年縣令正五命伏波將軍奉車都尉輕車將軍奉騎都尉四征中鎮撫將軍府正七命州長史司馬司錄開府正中郎掾屬戶不滿一千以下郡守戶七千以上縣令正八命州大呼藥五命宣威將軍虎賁給事明威將軍冗從給事儀同府中郎掾屬柱國大將軍府列曹參軍冠軍輔國將軍府正六命州長史司馬司錄正七命州中從事七命郡丞戶四千以上縣令八命州大呼藥正四命給事中襄威屬威將軍奉朝請軍主開府列曹參軍冠軍輔國將軍府正六命州

長史司馬司錄正七命州別駕正八命州從事七命郡丞戶二千以上縣令正七命州呼藥四命威烈將軍右負外侍郎討寇將軍左負外侍郎幢主儀同府正八命州列曹參軍柱國大將軍府參軍鎮遠建忠中堅寧朔將軍府長史司馬正六命州別駕正七命州從事正六命郡丞五百戶以上縣令七命州呼藥正三命蕩寇將軍武騎常侍蕩難將軍武騎侍郎開府參軍驃騎車騎將軍府正八命州列曹參軍寧遠楊烈伏波軫車將軍府長史正六命州中從事六命郡丞戶不滿五百以下縣令戍主正六命州呼藥三命殄寇將軍彊弩司馬殄難將軍積弩司馬四征中鎮撫將軍府正七命州列曹參軍正五命郡丞正二命掃寇將軍武騎司馬掃難將軍武威司馬四平前右左後將軍府七命州列曹參軍五命郡丞戍副二命曠野將軍殿中司馬橫野將軍負外司馬冠軍輔國將軍府正六命州列曹參軍正一命武威將軍淮海都尉虎牙將軍山林都尉鎮遠建忠中

堅寧翔寧遠揚烈伏波輕車將軍府列曹參軍一命魏主自元烈之死有怨言密

謀誅太師泰臨淮王育廣平王贊垂涕切諫不聽泰諸

子皆幼兄子章武公導中山公護皆出鎮

導護皆泰兄顯之子也導

鎮上唯以諸婿為心膂大都督清河公李基義城公李

暉常山公于翼俱為武衛將軍

魏武為丞相有武衛營元魏之制迄于高齊左

右衛將軍各一人掌左右廂所主朱華閣以外各武衛將軍二人貳之宇文相魏亦置武衛將軍以掌宿衛而盧辯所定九命無其官此蓋猶在盧辯定官之前以武衛授諸婿然宇文所置如大都督八命帥師都督正七命抑李基等皆以大都督叙官邪至隋始置左右武衛府列於十二衛

分掌禁兵基遠之

子暉弼之子翼謹之子也由是魏主謀泄

禁兵既泰諸壻所掌魏主

誰與謀哉由是事泄

泰廢魏主置之雍州

置之雍州廡舍雍於用翻

立其弟齊

王廓

廓文帝之第四子廢帝四月立恭帝北史皆在正月今從之

考異曰國典云三月

去年號

稱元年

去羌莒翻

復姓拓跋氏九十九姓改為單者皆復其

舊

單音丹魏改姓見一百四十卷齊明帝建武三年

魏初統國三十六大姓九

十九

魏始祖成帝毛統國三十六大姓九十九蓋後漢時匈奴既衰鮮卑始盛之際也

後多減

絕泰乃以諸將功高者為三十六姓次者為九十九姓

所將士卒亦改從其姓

洪邁曰西魏以中原故家易賜蕃姓如李弼為徒河氏趙肅趙

貴為乙弗氏劉亮為侯莫陳氏楊忠為普六茹氏王雄
為可頻氏李虎閻慶為大野氏辛威為普毛氏田宏為
紇于氏耿豪為和稽氏王勇為庫汗氏楊紹為叱利氏
侯植為侯伏侯氏竇熾為紇豆陵氏李穆為擒拔氏陸
通為步六孤氏楊纂為莫胡盧氏冠售為若口引氏段
永為爾綿氏韓褒為侯呂陵氏裴文舉為賀蘭氏陳忻
為尉遲氏樊深為萬

紐于氏將即亮翻

三月丁亥長沙王韶取巴郡

魏得

成都未暇東畧故韶得
乘而取之取言易也

甲辰以王僧辯為太尉車騎

大將軍

考異曰典畧作二月甲子今從梁紀

丁未齊將王球攻宿預

杜僧明出擊大破之球歸彭城

將即亮翻下同

郢州刺史陸

灋和上啟自稱司徒上怪之王褒曰灋和既有道術容

或先知戊申上就拜瀆和為司徒 己酉魏侍中宇文

仁恕來聘會齊使者亦至江陵帝接仁恕不及齊使

使疏

吏翻仁恕歸以告太師泰帝又請據舊圖定疆境辭頗不

遜泰曰古人有言天之所弃誰能興之

左傳晉胥午之言

其蕭

繹之謂乎荊州刺史長孫儉屢陳攻取之策泰徵儉入

朝問以經畧復命還鎮密為之備馬伯符密使告帝

武帝

太清三年楊忠入寇伯符以下涿城降之因留于魏復扶又翻朝直遙翻

帝弗之信 柔然

可汗菴羅辰叛齊齊主自將出擊大破之菴羅辰父子

北走太保安定王賀拔仁獻馬不甚駿齊主拔其髮免

為庶人輸晉陽負炭齊中書令魏收撰魏書頗用愛

憎為褒貶每謂人曰何物小子敢與魏收作色舉之則

使升天按之則使入地既成

東魏孝靜天保二年詔魏收撰魏史至是而成

中

書舍人盧潛奏收誣罔一代罪當誅尚書左丞盧斐頓

丘李庶皆言魏史不直收啟齊主云臣既結怨彊宗

盧李

山東望族故以為彊宗

將為刺客所殺帝怒於是斐庶及尚書郎

中王松年皆坐謗史鞭二百配甲坊

甲坊造甲之所

斐庶死於

獄中潛亦坐繫獄然時人終不服謂之穢史潛度世之

曾孫斐同之子松年遵業之子也

盧度世見一百三十二卷宋明帝泰始三

年盧同見一百四十八卷梁武帝天監八年王遵業見一百五十二卷大通二年

夏四月柔

然寇齊肆州齊主自晉陽討之至恒州

恒戶登翻

柔然散走

帝以二千餘騎為殿

殿丁練翻

宿黃瓜堆柔然別部數萬騎

奄至帝安卧平明乃起神色自若指畫形勢縱兵奮擊

柔然披靡

披普彼翻

因潰圍而出柔然走追擊之伏尸二十

餘里獲菴羅辰妻子虜三萬餘口令都督善無高阿那

肱帥騎數千塞其走路時柔然軍猶盛阿那肱以兵少

請益

帥讀曰率塞悉則翻少詩沿翻

帝更減其半阿那肱奮擊大破之

菴羅辰超越巖谷僅以身免

同一高阿那肱也齊文宣用之則致死以破敵後主

用之則賣主以求生蓋厲威猶可使之知懼濫恩不足以得其死力也塞悉則翻

丙寅上使

散騎常侍庾信等聘於魏

散悉亶翻騎奇寄翻

癸酉以陳霸先

為司空丁未齊主復自擊柔然大破之

復扶又翻

庚戌

魏太師泰酖殺廢帝

五月魏直州人樂熾洋州人黃

國等作亂

五代志西城郡安康縣齊置安康郡魏置東梁州西魏改曰直州漢川郡西鄉縣舊曰豐

寧置洋州及洋川郡考漢川志蜀分漢成固縣立南鄉縣晉改為西鄉縣魏廢縣仍於豐寧成置豐寧縣

開府儀同三司高平田弘河南賀若敦討之不克

若人者翻

太師泰命車騎大將軍李遷哲與敦共討熾等平之仍

與敦南出徇地至巴州

後漢分宕渠北界置漢昌縣蜀先主置巴西郡宋武帝置歸化

郡魏於漢昌縣治置大谷郡又於郡北置巴州五代志清化郡化成縣梁置歸化郡及巴州

巴州刺

史年安民降之

考異曰典畧云斬梁巴州刺史年安平今從周書北史

巴濮之民

皆附於魏

春秋巴子之國三巴郡地是也春秋百濮之地在西城上庸之間濮博木翻

蠻酋

向五子王陷白帝

酋慈秋翻

遷哲擊之五子王遁去遷哲追

擊破之泰以遷哲為信州刺史鎮白帝信州先無儲蓄

遷哲與軍士共采葛根為糧時有異味輒分嘗之軍士

感悅屢擊叛蠻破之羣蠻懾服皆送糧餼遣子弟入質

懾之涉翻懾許氣翻質音致由是州境安息軍儲亦贍柔然乙旌

達官寇魏廣武魏收志東夏州偏城郡帶廣武縣五代志延安郡豐林縣後魏置廣武縣及偏

城郡宋熙寧九年省豐林為鎮併屬膚施縣柱國李弼遣擊破之遣擊恐當作追擊

廣州刺史曲江侯勃自以非上所授陳霸先推蕭勃為廣州刺史見一百

六十二卷武帝太清三年內不自安上亦疑之勃啟求入朝朝直五

月乙巳上以王琳為廣州刺史勃為晉州刺史

五代志同安郡

梁置豫州後改曰晉州

上以琳部衆彊盛又得衆心故欲遠之

于遠

願翻琳與主書廣漢李膺厚善私謂膺曰琳小人也蒙官

拔擢至此今天下未定遷琳嶺南如有不虞安得琳力

竊揆官意不過疑琳琳分望有限

言自揆分不敢懷非望也分扶問翻

豈

與官爭為帝乎何不以琳為雍州刺史鎮武寧

雍於用翻琳

自放兵作田為國禦捍膺然其言而弗敢啓

史言王琳忠於所事

而帝不能用為國于偽翻

散騎郎新野庾季才言於上曰去年八

月丙申月犯心中星今月丙戌赤氣干北斗心為天王

丙主楚分

分扶問翻

臣恐建子之月有大兵入江陵陛下宜

留重臣鎮江陵整飾還都以避其患假令魏虜侵蹙止

失荆湘在於社稷猶得無慮上亦曉天文知楚有災歎

曰禍福在天避之何益

天之警帝未棄帝也帝不知避是自棄也

六月壬

午齊步大汗薩將兵四萬趣涇州王僧辯使侯瑱張彪

自石梁引兵助嚴超達拒之瑱彪遲留不進將軍尹令

思將萬餘人謀襲盱眙

盱眙音行怡

齊冀州刺史段韶將兵

討東方白額於宿預廣陵涇州皆來告急諸將患之韶

曰梁氏喪亂

喪息浪翻

國無定主人懷去就彊者從之霸先

等外託同德內有離心諸君不足憂吾揣之熟矣

揣初委翻

乃留儀同三司敬顯携等圍宿預

敬顯携當作敬顯儁

自引兵倍

道趣涇州塗出盱眙令思不意齊師猝至望風退走韶

進擊超達破之回趣廣陵陳霸先解圍走

超七喻翻

杜僧明

還丹徒侯瑱張彪還秦郡吳明徹圍海西

海西縣前漢屬東海郡後

漢屬廣陵郡齊明帝置東海郡東魏武定七年改海西郡今西海州即其地

鎮將中山郎基

固守削木為箭翦紙為羽圍之十旬卒不能克而還

即將

亮翻下同
卒子恤翻

柔然帥餘衆東徙且欲南寇齊主帥輕騎

邀之於金川

唐志單于府帶金河縣其即金川歟帥讀曰率

柔然聞之遠遁營

州刺史靈丘王峻設伏擊之獲其名王數十人 鄧至

羗檐衍失國

檐余廉翻衍戶庚翻

奔魏太師泰使秦州刺史宇文

導將兵納之 齊段韶還至宿預使辯士說東方白額

說式芮翻

白額開門請盟因執而斬之 秋七月庚戌齊主

還鄴 魏太師泰西巡至原州 八月壬辰齊以司州

牧清河王岳為太保司空尉粲為司徒太子太師侯莫

陳相為司空尚書令平陽王淹錄尚書事常山王演為

尚書令中書令上黨王渙為左僕射 乙亥齊儀同三

司元旭坐事賜死丁丑齊主如晉陽齊主之未為魏相

也相息亮翻太保錄尚書事平原王高隆之常侮之及將受

禪隆之復以為不可事見一百六十三卷簡文帝大寶元年復扶又翻齊主由

是銜之崔季舒譖隆之每見訴訟者輒加哀矜之意以

示非已能裁帝禁之尚書省崔季舒報徒隆之嘗與元

邊之怨也

旭飲謂旭曰與王交當生死不相負人有密言之者帝

由是發怒令壯士築百餘拳而捨之幸已卒於路

卒子
恤翻

久之帝追忿隆之執其子慧登等二十人於前帝以鞭
叩鞍一時頭絕並投尸漳水又發隆之冢出其尸斬截
骸骨焚之棄於漳水 齊主使常山王演上黨王渙清

河王岳平原王段韶帥衆於洛陽西南築伐惡城新城

嚴城河南城

帥讀
日率

九月齊主巡四城欲以致魏師魏師

不出

史言齊疆宇
文泰畏之

乃如晉陽

魏宇文泰命侍中崔猷

開回車路以通漢中

按北史崔猷傳泰欲開梁漢舊路乃命猷開通車路鑿山堙谷五百

餘里至於梁州此特因舊路開而廣之以通車耳前史蓋誤以通字為迴傳寫者又去其旁為回也泰不書官而書姓亦無義例之可言也

帝好玄談

好呼到翻

辛卯於龍光殿講老

子曲江侯勃遷居始興王琳使副將孫瑒先行據番

禺

將即亮翻番禺音潘愚

乙巳魏遣柱國常山公于謹中山公

宇文護大將軍楊忠將兵五萬入寇冬十月壬戌發長

安長孫儉問謹曰為蕭繹之計將如之何謹曰耀兵漢

沔席卷度江直據丹陽上策也

謂東遷建康也卷讀曰捲

移郭內居

民退保子城峻其陴堞以待援軍中策也

陴頻彌翻堞遠協翻

若

難於移動據守羅郭下策也儉曰揣繹定出何策

揣初委翻

下謹曰下策儉曰何故謹曰蕭氏保據江南綿歷數紀

十二年為一紀屬中原多故

屬之欲翻

未遑外畧又以我有齊氏之

患必謂力不能分且繹懦而無謀多疑少斷

少詩治翻斷丁亂翻

愚民難於慮始皆戀邑居所以知其用下策也癸亥武

寧太守宗均告魏兵且至帝召公卿議之領軍胡僧祐

太府卿黃羅漢曰二國通好未有嫌隙必應不爾

江陵諸將

胡僧祐其巨擘也識見如此

侍中王琛曰臣揣宇文容

色必無此理

去年王琛使魏故自謂揣其容色必無此事可謂不善於覘國者矣

乃復使

琛使魏

復扶又翻下復講同

丙寅于謹至樊鄧梁王訥帥衆會之

辛卯帝停講

停講老子也帥讀曰率下同

內外戒嚴王琛至石梵

杜佑

曰石梵在沔州沔口上又據梁書安成王秀傳石梵時屬竟陵界

未見魏軍馳書報黃

羅漢曰吾至石梵境上帖然前言皆兒戲耳帝聞而疑

之庚午復講百官戎服以聽辛未帝使主書李膺至建

康徵王僧辯為大都督荊州刺史命陳霸先徙鎮揚州

僧辯遣豫州刺史侯瑱帥新安程靈洗等為前軍兗州

刺史杜僧明帥吳明徹等為後軍

王僧辯一聞徵命當投袂勤王可也外言

部分諸軍不聞星馳電赴江陵覆沒僧辯之罪也帥讀曰率

甲戌帝夜登鳳皇閣徙

倚歎息曰客星入翼軫

倚欄而又徙處為徙倚翼軫楚荊州分

今必敗矣

嬪御皆泣

嬪毘賓翻

陸灋和聞魏師至自郢州入漢口將赴

江陵帝使逆之曰此自能破賊但鎮郢州不須動也灋

和還州堊其城門

堊烏各翻以白土塗城門示有喪也

著衰經坐蓐席終

日乃脫之

著陟畧翻衰倉回翻此法和預為喪君之服設使法和果至江陵亦不能制魏兵之攻圍

此其徒欲神法和之術託為之言以為能知來耳

十一月帝大閱於津陽門外

江左都建康外城十二門門名皆用洛城門名帝都江陵外城門亦依建康城門名之津陽門城南面東來第

二遇北風暴雨輕輦還宮癸未魏軍濟漢于謹令宇文

護楊忠帥精騎先據江津斷東路

斷音短

甲申護克武寧

執宗均是日帝乘馬出城行柵

行下孟翻下巡行翻

插木為之周

圍六十餘里以領軍將軍胡僧祐都督城東諸軍事尚

書右僕射張綰為之副左僕射王褒都督城西諸軍事

四廂領直元景亮為之副王公已下各有所守丙戌命

太子巡行城樓令居人助運木石夜魏軍至黃華去江

陵四十里丁亥至柵下戊子雋州刺史裴畿

越雋郡梁置雋州雋

音髓畿弟新興太守機武昌太守朱買臣衡陽太守謝荅

仁開枇杷門出戰裴機殺魏儀同三司胡文伐畿之高

之子也

臺城既沒裴之高赴江陵

帝徵廣州刺史王琳為湘東刺史

使引兵入援丁酉柵內火焚數千家及城樓二十五帝

臨所焚樓望魏軍濟江四顧歎息是夜遂止宮外宿民

家已亥移居祇洹寺

祇巨支翻洹胡官翻

于謹令築長圍中外信

命始絕庚子信州刺史徐世譜晉安王司馬任約等築

壘於馬頭

江陵南岸謂馬頭岸

遙為聲援是夜帝巡城猶口占為

詩羣臣亦有和者

和戶卧翻

帝裂帛為書趣王僧辯曰

趣讀曰促

吾忍死待公可以至矣壬寅還宮癸卯出長沙寺戊申

王褒胡僧祐朱買臣謝答仁等開門出戰皆敗還己酉

帝移居天居寺癸丑移居長沙寺朱買臣按劔進曰唯

斬宗懔黃羅漢可以謝天下

買臣罪其諫還建康也懔力任翻又力禁翻

帝

曰曩實吾意宗黃何罪二人退入衆中王琳軍至長沙

鎮南府長史裴政請問道先報江陵

王琳為鎮南將軍以裴政為府長史

間古莧翻
下間使同

至百里洲為魏人所獲梁王譽謂政曰我武

皇帝之孫也不可為爾君乎若從我計貴及子孫如或

不然腰領分矣政詭對曰唯命答鎖之至城下使言曰

王僧辯聞臺城被圍

時都江陵上臺所
在故亦謂之臺城

已自為帝王琳

孤弱不能復來

復扶
又翻

政告城中曰援兵大至各思自勉

吾以間使被擒當碎身報國監者擊其口

使疏吏翻
監工銜翻

答

怒使速殺之西中郎參軍蔡大業

梁置西中郎將于襄陽以蔡大業為參軍

諫曰此民望也殺之則荊州不可下矣乃釋之政之禮

之子

裴之禮遂之子也

大業大寶之弟也時徵兵四方皆未至

甲寅魏人百道攻城

考異曰梁紀作辛卯誤也今從典畧

城中負戶蒙

楯

楯食尹翻

胡僧祐親當矢石晝夜督戰獎勵將士明行賞

罰衆咸致死所向摧殄魏不得前俄而僧祐中流矢死

中竹仲翻

内外大駭魏悉衆攻柵反者開西門納魏師帝與

太子王褒謝答仁朱買臣退保金城令汝南王大封晉

熙王大圓質於于謹以請和

大封大圓皆簡文帝之子質音致下同

魏軍

之初至也衆以王僧辯子侍中顓可為都督

顓魚豈翻

帝不

用更奪其兵使與左右十人入守殿中及胡僧祐死乃

用為都督城中諸軍事裴畿裴機厯陽侯峻皆出降

降戶

江翻下同

于謹以機手殺胡文伐并畿殺之峻淵猷之子也

淵猷長沙王懿之子

時城南雖破而城北諸將猶苦戰日暝聞城

陷乃散

暝莫定翻

帝入東閣竹殿命舍人高善寶焚古今圖

書十四萬卷

考異曰隋經籍志云焚七萬卷南史云十餘萬卷按周僧辯所送建康書已八萬

卷并江陵舊書豈止七萬卷乎今從典畧周當作王

將自赴火宮人左右共止之

又以寶劔斫柱令折歎曰文武之道今夜盡矣

焚書折劔以為

文武道盡折而設翻

乃使御史中丞王孝祀作降文謝答仁朱買

臣諫曰城中兵衆猶彊乘閭突圍而出賊必驚因而薄

之可度江就任約

任約築壘馬頭岸與江陵僅隔一江耳

帝素不便走馬

曰事必無成祇增辱耳答仁求自扶帝以問王褒褒曰

答仁侯景之黨豈足可信成彼之勲不如降也答仁又

請守子城收兵可得五千人帝然之即授城中大都督

配以公主既而召王褒謀之以為不可答仁請入不得

歐血而去

歐烏口翻

于謹徵太子為質帝使王褒送之謹子

以褒善書給之紙筆乃書曰柱國常山公家奴王褒

謹為

柱國大將軍封常山公褒以此自處安能為帝謀乎

有頃黃門郎裴政犯門而

出帝遂去羽儀文物

去羗呂翻

白馬素衣出東門抽劍擊闔

曰蕭世誠一至此乎

左傳晉州綽攻齊東門以枚數闔杜預註曰闔門扇也世誠帝字也

魏軍士度輦牽其轡

輦七艷翻

至白馬寺壯奪其所乘駿馬

以駕馬代之遣長壯胡人手扼其背以行逢于謹胡人

牽帝使拜

考異曰典畧云謹攜梁主令西至龍泉廟出武陵河東二王子孫於獄列於沙州鎖械

嚴酷瘡痍腐爛引梁主使視之謂曰此皆骨肉忍虐如此何以爲君上無以應按武陵諸子先已餓死河東子

孫亦應不存今不取梁王訾使鐵騎擁帝入營囚于烏幔之下莫幔

半翻甚爲訾所詰辱詰去吉翻乙卯于謹令開府儀同三司長

孫儉入據金城帝給儉云城中埋金千斤欲以相贈儉

乃將帝入城帝因述訾見辱之狀謂儉曰向聊相給欲

言此耳給蕩玄翻豈有天子自埋金乎儉乃留帝於主衣庫

此主衣庫在江陵帝性殘忍且懲高祖寬縱之弊故爲

政尚嚴及魏師圍城獄中死囚且數千人有司請釋之

以充戰士帝不許悉令梟殺之

梟蒲
項翻

事未成而城陷中

書郎殷不害先於別所督戰城陷失其母時冰雪交積

凍死者填滿溝塹不害行哭於道求其母尸無所不至

見溝中死人輒投下捧視舉體凍濕水漿不入口號哭

不輟聲

號戶
刀翻

如是七日乃得之十二月丙辰徐世譜任

約退戎巴陵于謹逼帝使為書召王僧辯帝不可使者

曰王今豈得自由帝曰我既不自由僧辯亦不由我又

從長孫儉求宮人王氏荀氏及幼子犀首儉並還之或

問何意焚書帝曰讀書萬卷猶有今日故焚之

帝之亡國固不

由讀書也

庚申齊主北巡至達速嶺行視山川險要將起

長城

辛未帝為魏人所殺

年四十七

梁王詒遣尚書傳準

監刑

監工銜翻

以土囊墮之詈使以布帊纏尸

帊普駕翻通俗文曰三幅

為帊斂以蒲席束以白茅

斂力瞻翻葬於津陽門外并殺愍懷

太子元良始安王方略桂陽王大成等世祖性好書

梁王

方智承制謚帝曰元廟號世祖好呼到翻

常令左右讀書晝夜不絕雖熟睡

卷猶不釋或差誤及欺之帝輒驚寤作文章援筆立就

常言我韜於文士

今人謂器幣有餘用者為寬韜與此韜同義

愧於武夫論

者以為得言

得言謂其自言者此為得之

魏立梁王詵為梁主資以

荊州之地延袤三百里

資以江陵緣江之地延袤三百里廣不及三百里也表音茂

仍取其雍州之地

雍於用翻

詵居江陵東城魏置防主將兵

居西域名曰助防外示助詵備禦內實防之

魏克江陵因取襄樊

之地此正滅虢取虞之計詵雖悔之何及矣

以前儀同三司王悅留鎮江陵

于謹收府庫珍寶及宋渾天儀梁銅晷表

宋渾天儀元嘉十三年錢

樂之所鑄也梁銅晷表武帝所造

大玉徑四尺及諸瀝物盡俘王公以

下及選百姓男女數萬口為奴婢

考異曰典畧作五十萬今從梁紀南史

分賞三軍驅歸長安小弱者皆殺之得免者三百餘家

而人馬所踐及凍死者什二三

踐慈演翻下同

魏師之在江陵

也梁王詧將尹德毅說詧曰魏虜貪怵

說式芮翻怵與婪同盧合翻

肆其殘忍殺掠士民不可勝紀

勝音升

江東之人塗炭至

此咸謂殿下為之殿下既殺人父兄孤人子弟盡讎也

誰與為國今魏之精銳盡萃於此若殿下為設享會

下為

于偽翻請于謹等為歡預伏武士因而斃之分命諸將掩

其營壘大殲羣醜俾無遺類

殲息 庶翻

收江陵百姓撫而安

之文武羣僚隨材銓授魏人懾息未敢送死

懾之 涉翻

王僧

辯之徒折簡可致然後朝服濟江入踐皇極

謂還建康即位也朝

直遙 翻

晷刻之間大功可立古人云天與不取反受其咎

漢蒯通之言

願陛下恢弘遠略勿懷匹夫之行

匹夫之行小 庶小謹以自

託於鄉黨 行下孟翻

答曰卿此策非不善也然魏人待我厚未可

背德

背蒲 妹翻

若遽為卿計人將不食吾餘

左傳鄧祁 侯之言

既而

闔城長幼被虜又失襄陽

被皮 義翻

答乃歎曰恨不用尹德

毅之言王僧辯陳霸先等共奉江州刺史晋安王方智

為太宰承制王褒王克劉鼓宗懔殷不害及尚書右丞

吳興沈炯至長安

鼓古岳翻
炯古迴翻

太師泰皆厚禮之泰親至

于謹第宴勞極歡

勞力到翻

賞謹奴婢千口及梁之寶物并

雅樂一部別封新野公

既封常山又封
新野故曰別封

謹固辭不許謹

自以久居重任功名既立欲保優閒乃上先所乘駿馬

及所著鎧甲等

上時掌翻著陟
畧翻鎧可亥翻

泰識其意曰今巨猾未

平公豈得遽爾獨善

巨猾謂齊孟子曰達則兼
善天下窮則獨善其身

遂不受

是歲魏秦州刺史章武孝公宇文導卒魏加益州
刺史尉遲迴督六州通前十八州自劍閣以南得承制
封拜及黜陟迴明賞罰布威恩綏輯新民經畧未附華
夷懷之

資治通鑑卷一百六十五



總校官庶吉士臣侍朝

校對官檢討臣龔大萬

謄錄監生臣張元輯